

清

史

稿

清史稿

列傳三十五

許定國

明良佐

左夢庚

郭懋光
盧允熙
林萬

田雄

馬得功

張天祿

烏火照

孫可望

白文選

許定國河南太康人明崇禎間官山西總兵官李自成圍開封趣定國赴援師次沁水一夕師潰速治論死尋復授援剿河南總兵官福王時駐軍睢州順治元年豫親王多鐸下河南次孟津定國使請降肅親王豪格略山東復上書請以其孥來附肅親王命遣子爲質二年遣其子詣肅親王軍明督師大學士史可法遣總兵高傑徇河南次歸德聞定國已遣子納款招往會不赴傑乃與巡撫越其杰巡按陳潛夫就定國睢州定國不得已郊迎其杰勸傑勿入城傑輕定國不聽既入定國宴傑侑以妓傑酣爲定國刻行期並徵及遣子納款事定國益懼中夜伏兵殺傑明日傑部將攻定國屠城定國走考城遂來降豫親王請以定國從征留其孥曹縣命河道總督楊方興厚贍之定國妻邢有疾乞還

鄉里方興爲代奏命暫居曹縣俟定國入覲豫親王師還定國詣京師隸漢軍鑲白旗三年卒五年以來降功授一等精奇番子爾安襲十二年詔求言爾安爲睿親王多爾袞訟功德請修其墓詔詳睿親王傳坐煽惑滅死流寧古塔弟爾吉襲史可法置江北四鎮傑與劉澤清劉良佐黃得功分領之傑爲定國所殺得功戰死蕪湖劉良佐直隸人明總兵預擁立福王順治二年豫親王下江南良佐以兵十萬來降江南定詣京師隸漢軍鑲黃旗五年以來降功授世職二等精奇尼哈番從大將軍譚泰討金聲桓師還授散秩大臣十八年授江南江安提督加總管銜尋改直隸提督改左都督康熙五年以病乞休六年卒劉澤清既降後叛誅死

左夢庚山東臨清人父良玉明史有傳良玉初授平賊將軍及封寧南伯以平賊將軍印授夢庚福王時良玉舉兵自武昌東下號清君側次九江病卒諸將推夢庚爲帥總督袁繼咸禦戰夢庚還駐池州遣兵間道自彭澤下建德遂取安慶總兵黃得功破之銅陵乃退保九江順治二年英親王阿濟格逐李自成

至九江夢庚率衆降師還入覲宴午門內命隸漢軍正黃旗疏言部將盧光祖
李國英從入京師餘若張應祥徐恩盛郝効忠金聲桓常登徐勇吳學禮張應
元徐育賢俱奉英親王調發防剿江西湖廣誠恐諸將在外蹤跡未定室家未
安訛惑之事不可不籌命有司安插五年敍來降功授一等精奇尼哈番六年
從英親王討大同叛將姜瓖攻左衛克之擢本旗固山額員十一年卒諡莊敏
乾隆初定封一等子夢庚諸將李國英最顯自有傳郝効忠遂東人隸漢軍正
白旗從英親王定湖南擢湖南右路總兵加都督僉事授世職三等阿達哈哈
番孫可望陷沅州効忠率師克黎平可望兵驟至力戰馬蹶被執不屈遂見殺
贈都督同知徐勇亦遼東人英親王檄署九江總兵調黃州捕治九江黃州土
寇明唐王使招之勇斬使以聞命移鎮長沙金聲桓叛招勇復斬其使與李錦
戰江中中矢裹創戰愈奮賊攻城設策守禦錦遁去迎鄭親王師擊破明大學
士何騰蛟復調辰常總兵授世職一等阿達哈哈番兼拖沙喇哈番明桂王遣
將張光翠張景春窺辰州屯荔溪勇督將士渡江戰擊殺景春擒裨將六歲士

清史稿
卒數百加左都督進世職三等阿思哈尼哈番桂王復遣白文選來攻驅象爲陳破城勇巷戰死之贈太子太保進世職二等設忠節以其兒子襲入籍武昌衛盧光祖遼東海州人隸漢軍鎮藍旗從肅親王下四川破張獻忠授夔州總兵擊破明桂王將朱天麟等取順慶屢捕治土寇廿一爵朱德從據鄰水天竺爲亂光祖督師討之戰七晝夜斬一爵德從降嗣寨十餘以功授世職一等阿達哈哈番孫可望破敍州將軍李國翰率師赴援光祖殿遇敵戰敗命立功自贖尋改川北總兵卒金聲桓旣降復叛誅死

田雄直隸宣化人馬得功遼東人仕明皆至總兵順治二年豫親王多鐸下江南明福王由崧走蕪湖巴牙喇纛章京圖賴督兵截江斷道雄得功縛福王及其妃來獻豫親王令以原銜從征尋授雄杭州總兵得功鎮江總兵雄佐總督張存仁梅勑章京珠瑪喇駐軍杭州時明魯王以海稱監國紹興乘間渡錢塘江窺杭州雄與存仁珠瑪喇等屢擊破之三年擢浙江提督六年發李成棟逆書加左都督八年敍來降功授世職一等精奇尼哈番明魯王與其臣阮進張

名振等據舟山雄與固山額員金礪以舟師出海擒進遂破舟山墮其城名振擁魯王入海十二年進將阮思陳六御等後據舟山朝命寧海大將軍伊爾德率師南征雄預治戰艦攻具分兵遣裨將扼要隘通聲援而以舟師會伊爾德擊思以橫洋金塘爲舟山要路分兵擊破之張兩翼夾擊殲其衆無算思赴水死捷聞加少傅兼太子太傅十五年疏請歸旗籍隸漢軍鑲黃旗鄭成功兵擾浙境陷遂安平陽諸縣兵部勅雄上命寬之十六年成功兵攻太平擊却之後攻寧波雄督戰分三路進剿成功兵引退十八年進二等侯康熙二年卒贈太子傅諡毅勇得功亦隸漢軍鑲黃旗江寧初定明瑞昌王誼泐屯花山龍潭間三年謀攻江寧事泄走鎮江得功獲誼泐誅之尋以收劫盜入伍降調四年大學士洪承疇請以得功署副將從浙閩總督張存仁勦建寧邵武山寇克松溪政和建陽崇安光澤諸縣即令駐松溪復克慶元永春德化諸縣六年授右路總兵加都督僉事克南安破海寇林忠復捕治興化仙游惠安諸縣海寇鄭丹國等時鄭成功據廈門巡撫張尊聖諭成功方出令得功攻廈門克之成功還救

復陷遂圍漳州破海澄得功退守泉州與固山額貝金礪會師解漳州圍以得
功初克廈門貪取財物爲成功所乘命逮治授敘免十一年敘前功賜一品頂
帶出鎮泉州得功自陳與雄同降授雄例乞世職授一等精奇尼哈番加都督
同知十三年擢福建提督林忠復據永春德化尤溪大田諸縣巡撫宜永貴令
得功率率師討之師行寇自閩安逕攻會城得功引師還與城兵夾擊圍解十四
年與浙閩總督李率泰等合兵克閩安成功屢內犯得功擊卻之十八年進三
等侯康熙元年遷濱海居民內地擊敗海寇阻民遷者二年師進攻廈門得功
克烏沙以舟師出海南風起寇乘上流來戰得功奮擊沒於陳李率泰以聞進
一等侯諡襄武子三奇襲爵官至潮州總兵乾隆十四年定諸侯伯封號雄曰
順義得功曰順勤

張天祿陝西榆林人明季與弟天福以義勇從軍積功至總兵福王時大學士
史可法督師令屯瓜洲爲前鋒豫親王師下江南天祿天福率所部三千人從
趙之龍迎降豫親王令以原官從征隸漢軍鎮黃旗明僉都御史金聲家休寧

受唐王命糾鄉勇十餘萬據徽州貝勒博洛遣固山額真葉臣率師擊之天祿及總兵卜從善李仲興劉澤沐並從帥自旌德入戰績溪獲聲及中軍吳國禎副將成有功守備萬全等送江寧殺之徽州平明大學士黃道周率兵犯徽州天祿擊之斬其將程嗣聖等十餘人獲總兵李堯光等三年戰婺源獲道周亦送江甯殺之分兵出祁門江灣街口黃源四道逐捕道周餘衆以功加都督同知授徽寧池太總兵官天祿屯徽州城外依山爲營值兩父老迎天祿入城天祿曰三軍方在泥塗何忍獨安終不下山軍民皆稱之明嵩安王常淇糾衆數千擾婺源天祿率副將許漢鼎等擊之獲常淇及監軍江於東等四年授江南提督五年敘來降功授世職三等阿達哈哈番八年進三等精奇尼哈番九年鄭成功圍漳州命天祿赴援成功引退天祿留駐延平捕治山寇十一年明魯王將張名振攻崇明天祿還松江禦戰名振既出海復侵吳淞我水師與戰敗績江南總督馬鳴佩劾天祿失舟師三百餘及砲械匿未報閩浙總督佟泰劾天祿與名振通書逮下刑部讞通書無據坐置失砲械等奪官降世職三等阿

達哈哈番十六年卒天福初降從征崑山嘉定民不雜髮據城抗我師天福與總兵李成棟討平之五年授陝西漢羌總兵敍來降及戰功授世職一等阿思哈尼哈番明山陰王鼎濟聚兵據毛塢關署單一涵爲元帥六年天福自漢中率師入山獲鼎濟一涵投崖死參將王永祚叛延安山寇劉宏才攻同官天福先後討平之以病還京師授散秩大臣十七年授本旗都統康熙六年卒趙之龍江南虹縣人崇禎季以忻城伯鎮南京福王立與擁戴于政豫親王師至與魏國公徐九爵保國公張國弼隆平侯張拱召臨淮侯李祖述懷寧侯孫維城靈璧侯湯國祚安遠侯柳祚昌永昌侯徐宏爵定遠侯鄧文固項城伯常應俊大興伯鄒存義甯晉伯劉允極南和伯方一元東南伯焦夢熊安城伯張國才洛中伯黃九鼎成安伯郭祚永駙馬齊贊元大學士王鐸尙書錢謙益侍郎朱之臣梁雲構李綽等迎降之龍授世職三等阿思哈尼哈番九爵等皆置勿用鐸至命以尙書管宏文院學士累擢至禮部尙書卒諡文安謙益語在文苑傳

孫可望陝西延長人從張獻忠爲賊與李定國劉文秀艾能奇並爲獻忠養子獻忠據四川使分將其衆可望號平東將軍順治三年肅親王豪格帥定四川定洲亂雲南可望率衆兼程赴之定洲方攻楚雄迎戰大敗走歸阿迷可望入雲南會城遺定國徇迤東而與文秀率兵西出得副使楊畏知相督扶明室與俱至楚雄略迤西諸府定國亦定迤東諸府可望遂盡有雲南自號平東王以干支紀年鑄錢曰興朝通寶時能奇已前死可望併將其衆定國文秀故等夷不爲可望下可望假事杖定國欲以威衆隙益深明桂王在肇慶乃遣畏知奉表乞王封桂王封可望景國公賜名朝宗使以敕印往而桂王諸將爭欲得可望爲強援堵眉錫駐梧州承制改封平遼王陳邦傅守泗城又矯命封秦王可望乃不受景國公命會我師克韶州桂王走梧州可望復遣使請封議封澂江王使者謂非秦不敢復命大學士嚴起恒持不可議中殿可望襲貴陽復遣文秀攻嘉定入四川我師定兩廣桂王至南寧乃遣使封可望冀王可望猶不受

復使畏知詣桂王而遣其將賀九儀等以五千人先驅取起恒及諸臣阻秦封者盡殺之桂王乃眞封可望秦王而留畏知授大學士文安之督師四川將以招川而數之畏知以冠擊可望亦被殺桂王遣大學士文安之督師四川將以招川中諸鎮可望遣兵伺於都匀邀止之可望將移桂王自近挾以作威桂王奔廣南可望遣兵迎入安隆所改爲安龍府歲供銀八千米百石窮迫不可堪而馬吉祥龐天壽輩方欲戴可望行禪讓可望遂自設內閣六部等官立太廟定朝儀改印文爲八疊桂王益憂懼初定國自廣西入湖廣兵益強不復稟可望約束令定國敗於衡州使召詣沅州議事將以爲罪而殺之定國辭不赴又自柳州攻擊慶下高廉雷諸府至是桂王聞定國兵強密詔使人衛可望聞使執大學士吳貞毓等凡預謀者盡殺之讓移桂王貴陽使其將白文選督行期文選心不直可望以情輸桂王緩其行俟定國至奉桂王自安南衛走雲南時文秀守雲南亦怨可望迎桂王入雲南會城可望舉兵反桂王以雙禮留守令文選統諸軍前行定國文秀率師禦之次三岔河夾水而軍文選輕騎奔定國可望

遣其將張勝馬賓等自尋甸間道襲雲南而自率勁卒擊定國等戰方合其將
馬惟興先奔遂大潰定國遣文秀等追之可望至貴陽雙禮給首追兵且至可
望知事去將詣經略洪承疇請降遣使先納欵文秀等遣將楊武追之及於沙
子嶺承疇援兵至乃得脫將妻子詣長沙降時順治十四年十月也詔封義王
慰諭之尋遣學士麻勒吉等齋敕印冊封十五年詣京師命簡親王濟度等郊
迎入觀宴中和殿賜白金萬官其部將陳傑劉天瑞等百餘人命隸漢軍正白
旗可望請從討雲南自效下王大臣議寢其奏十七年疏辭封爵復慰諭之尋
卒謚恪順子徵淇襲未幾卒徵淇卒謚順愍徵灝請襲御史孟雄飛疏言可
望獻忠餘黨久據滇黔負固不服及爲定國所敗窮蹙來歸溢膺非分宜即停
止或以次降等下部議降襲慕義公官至兵部尙書謚清端子降襲一等阿達
哈哈番乾隆三十六年命停襲文選陝西吳堡人亦從獻忠爲賊獻忠敗從可
望入貴州其姪桂王使得入雲南也桂王封爲鞏國公令還貴陽慰諭可望可
望奪其兵置軍中及將舉兵諸將說可望願得文選爲大將可望使將前鋒遂

降定國可望以是敗桂王封文選鞏昌王順治十六年我師下雲南定國戰屢敗令文選爲殿戰於玉龍關文選復敗走木邦桂王入緬甸居緒鑑十七年文選攻阿瓦弗克與定國會師孟艮再攻阿瓦求出桂王終不獲我師益深入文選據錫箔憑江拒守我師出木邦造筏將渡文選奔茶山總兵馬甯將偏師追之及於猛養文選降詔封承恩公亦隸漢軍正白旗康熙元年命予三等公俸七年加太子少師十四年卒子繪降襲一等精奇尼哈番卒停襲

論曰邦家新造師行所至逆者誅順者庸雖其人叛故國賊舊君苟爲利於我固不能不以爲功也可望獨以臺官言降爵終見削奪唐通降自成既復來歸授世職康熙間即停襲事又在其前而定國夢庚雄輩及他諸降將皆襲封如故民間傳雄負福王出王囉其項遂潰死雄死時明亡已二十年其言誠無稽然民之所惡蓋亦可見矣

清史稿

列傳三十六

索尼

蘇克薩哈

王鑑的名
子戶也

朱允祚作
白齊赫圖

遏必隆

子戶也

班布爾善

薩拜

第烏爾善

班布爾善

索尼赫舍里氏滿洲正黃旗人父碩色大學士希福兄也太祖時自哈達挈家來歸太祖以其兄弟父子並通國書及蒙漢文字命碩色與希福同直文館賜號巴克什授索尼一等侍衛從征界藩棟變天聰元年從太宗攻錦州偵敵宵遠並有功二年上親征喀爾喀徵兵外藩科爾沁不至命索尼與侍衛阿珠祜齋諭飭責土謝圖額駙奥巴初奥巴爲台吉入朝太祖以貝勒舒爾哈齊女妻焉既而奥巴背約私與明通復徵兵不至索尼受方略行既入境其部人饋以牲索尼不受曰爾汗有異心爾物豈可食耶時奥巴病足索尼與阿珠祜見公主以諭旨告奥巴聞之扶掖至佯問曰此爲誰索尼曰吾儕天使也爾有罪

義當絕今特以公主故使來餽問耳奧巴顧左右趣具饌索尼等不顧而出奧巴恐使台吉塞冷等請其事索尼出璽書示之卽令從者先行奧巴得書大驚令所屬大臣跪留索尼責以大義奧巴叩首悔罪願入朝索尼與阿珠祜偕其大臣葛阿賴先歸奏狀帝甚悅三年從大軍入關薄燕京明督師袁崇煥赴援列營城東南貝勒豪格突入陣敵兵燙之矢石如雨索尼躍馬馳入斬殺甚衆拔豪格破圍出四年諭降榛子鎮沙河驛拔永平守之五年擢吏部啟心郎從關大凌河明兵自錦州來援敗之六年從征察哈爾略大同取阜臺寨尋予牛衆章京世職仍直內院崇德八年考績進三等甲喇章京太宗崩後五日睿親王多爾袞詣三官廟召索尼議冊立索尼曰先帝有皇子在必立其一他非所知也是夕巴牙喇禪章京圖賴詣索尼告以定立皇子黎明兩黃旗大臣盟於大清門令兩旗巴牙喇兵張弓挾矢環立宮殿率以詣崇政殿諸王大臣列坐東西廡索尼及巴圖魯鄂拜首言立皇子睿親王令暫退英郡王阿濟格豫親王多鐸勸睿親王卽帝位睿親王猶豫未允豫親王曰若不允當立我我名在

太祖遺詔睿親王曰肅親王亦有名不獨王也豫親王又曰不立我論長當立
禮親王禮親王曰睿親王若允我國之福否則當立皇子我老矣能勝此耶乃
定議奉世祖即位索尼與譚泰圖賴羣阿岱錫翰鄂拜盟於三官廟睿輔幼主
六人如一體都統何洛會等計告肅親王豪格王坐廢詔褒索尼不附王賜鞍
馬順治元年從睿親王入關定京師二年晉二等昂邦章京睿親王令解散心
郎職仍理部事睿親王方擅政譚泰輩阿岱錫翰皆背盟附之憾索尼不附李
自成之敗也焚宮殿西走至是議修建睿親王亦營第知工屯材工部給直偏
厚諸匠役皆急營王第侈機言於王王怒欲殺之索尼力言其無罪王以是愈
憾索尼英親王阿濟格慢上目爲八歲幼兒索尼以告睿親王請罪之王不許
王嘗召諸大臣議分封諸王索尼持不可輩阿岱錫翰進曰索尼不欲王平天
下乎請罪之王亦不許索尼發固山額貞譚泰隱匿詔旨譚泰坐削公爵因計
索尼以內庫漆琴與人及使牧者秣馬庫院僕從捕魚禁門橋下索尼遂坐罷
三年巴牙喇羅章京圖賴劾譚泰怨望詞涉索尼順治初大軍分道剿賊西安

譚泰後至無功及移師江南譚泰慮勿預語圖賴甚快快圖賴遺書索尼使啟
睿親王齋書者私發之恐譚泰獲罪沈諸河圖賴發前事速訊齋書者塞爾特
詭云書已達索尼諸大臣論索尼罪當斬王親勦之索尼曰吾前發譚泰匿詔
旨罪顧匿圖賴書以庇之乎王窮訊齋書者事得白尋復世職然王與譚泰等
憾索尼滋甚五年值清明遣索尼祭昭陵旣行貝子屯齊訐索尼與圖賴等謀
立肅親王論死未減奪官籍其家卽安置昭陵八年世祖觀政特召還復世職
累進一等伯世襲擢內大臣兼議政大臣總管內務府十七年應詔上言略謂
小民冤抑有司不爲詳審者請嚴察使毋壅於上聞犯罪發覺其奉有嚴旨者
有司輒從重比不無枉濫請敕法司詳慎前議福建將士失律罪在大將軍止
削一不世襲之拜他喇布勒哈番而所屬將領乃盡奪世職輕重不平有乖懲
勸請敕更正開國諸臣自拜他喇布勒哈番以上皆有功業宜予世襲其後恩
詔所加非有戰功請毋給世襲敕書在外諸藩風俗不齊若必嚴以內定之例
恐反滋擾請予以優容大臣奪據行市姦宄之徒投托指引以攘貨財四方商

賈負擔來京輒復勒價強買諸王貝勒及大臣私引玉泉山水灌溉泉流爲之
竭邊外木植皆商人雇民採伐今又爲大臣私行強占致商不聊生大臣不殫
心公事惟飾宅第皆請申禁五城審事官遇世族富家與窮民訟者必罪窮民
曲意徇私不思執法請嚴飭毋得枉屈賄庇疏入上以所奏皆實飭議行十八
年世祖崩遺詔以索尼與蘇克薩哈遏必隆鼇拜同輔政索尼聞命跪告諸王
貝勒請共任國政諸王貝勒皆曰大行皇帝深知汝四大臣委以國家重務誰
敢干預索尼等乃奏知皇太后誓於上帝及大行皇帝前其辭曰先皇帝不以
索尼蘇克薩哈遏必隆鼇拜等爲庸劣遺詔寄託保翊沖主索尼等督協忠誠
其生死輔佐政務不私親戚不計怨讐不聽旁人及兄弟子姪教唆之言不求
無義之富貴不私往來諸王貝勒等府受其餽遺不結黨羽不受賄賂惟以忠
心仰報先皇帝大恩若各爲身謀有違斯誓上天殛罰奪算凶誅訖乃受事
世祖定中國既親政紀綱法度循太祖太宗遺制亦頗取明舊典指益之務使
稱國體四輔臣爲政稱旨諭諸王貝勒諸大臣詳考太祖太宗成憲勅爲典章

引世祖遺詔謂不能仰法太祖太宗多所更張今當率祖制復舊章以副先帝遺意乃改內閣翰林院還爲內三院復設理藩院罷裁太常光祿鴻臚諸寺他舉措皆類是而鎮黃正白兩旗互易圈地興大獄四輔臣稱旨亦謂太祖太宗時八旗莊田廬舍依左右翼順序分給既入關睿親王多爾袞使鎮黃旗歸右翼之末正白旗圈地本當屬鎮黃旗今還與相易亦以復舊制索尼故不慊蘇克薩哈顧見盈拜勢日張與蘇克薩哈不相容內忧又念年已老多病康熙六年三月遂與蘇克薩哈遏必隆鼇拜共爲奏請上親政上未卽允而詔褒索尼忠加授一等公與前授一等伯並世襲索尼辭不許六月卒諡文忠賜祭葬有加禮七月乃下索尼等奏上親政以第五子心裕襲一等伯法保襲一等公長子噶布喇官領侍衛內大臣孝誠皇后父也十三年后崩推恩所生授一等公世襲第三子索額圖自有傳

蘇克薩哈納喇氏滿洲正白旗人父蘇納葉赫貝勒金台什同族太祖初創業來歸命尙主爲額駙授牛彥額員累進梅勒額員天聰初從太宗征錦州貝勒

莽古爾泰帥偏師衛塔山餽道蘇納屯塔山西明兵來攻擊破之三年與固山額貝武納格擊察哈爾入境降其民一千戶聞降者將爲變盡殲其男子俘婦女八千餘上責其妄殺蒙古人有自察哈爾逃入明邊者命蘇納以百人逐之所俘獲相當累進三等甲喇章京坐隱匿丁壯削職尋授正白旗蒙古固山額貝崇德初從伐明攻雕鷄長安諸嶺及昌平諸城五十六戰皆捷又攻破容城及出邊後隊潰坐罰錢又從伐朝鮮擊破朝鮮軍俘其將以朝鮮王出謁時亂班釋甲又自他道還坐罰錢尋以讞獄有所徇坐罷仍專管牛彙事順治五年卒蘇克薩哈初授牛彙額貝崇德六年從鄭親王濟爾哈朗圍錦州明總督洪承疇帥赴援太宗親帥大軍蹙之蘇克薩哈戰有功授牛彙章京世職曾三等甲喇章京順治七年世祖命追復蘇納世職以蘇克薩哈併襲爲三等阿思哈尼哈番尋授議政大臣進一等加拖沙喇哈番蘇克薩哈隸睿親王多爾袞屬下王薨蘇克薩哈與王府護衛詹岱等計王謀移駐永平諸逆狀及殲斂服色違制王坐是追黜是年擢巴牙喇纛章京十年孫可望寇湖廣命蘇克薩哈借

固山額眞辰泰率禁旅出鎮湖南與經略洪承疇會勦十二年劉文秀遣其將
盧明臣等分兵犯岳州武昌蘇克薩哈邀擊大敗之文秀引兵寇常德戰艦蔽
江蘇克薩哈六戰皆捷縱火焚其舟斬獲甚衆明臣赴水死文秀走貴州敍功
首二等精奇尼哈番擢領侍衛內大臣加太子太保聖祖立受遺詔輔政時索
尼爲四朝舊臣遏必隆趨拜皆以公爵先蘇克薩哈爲內大臣趨拜尤功多意
氣凌轢人多憚之蘇克薩哈以額駙子入侍禁廷承恩眷班行亞索尼與趨拜
有姻連而論事輒齟齬寔以成隙趨拜隸鑲黃旗與正白旗互易莊地遂與大
獄大學士兼戶部尙書蘇納海總督朱昌祚巡撫王登聯坐紛更阻撓下刑部
議罪以律無正條請鞭責籍沒上覽奏召輔臣議趨拜請置重典索尼遏必隆
不能爭獨蘇克薩哈不對上因不允趨拜卒矯命悉棄市趨拜以蘇克薩哈與
相抗憾滋甚遂拜日益驕恣蘇克薩哈居常怏怏六年上親政加恩輔臣越日
蘇克薩哈奏乞守先帝陵寢庶得保全餘生有旨詰問趨拜與其黨大學士班
布爾善等遂誣以怨望不欲歸政構罪狀二十四款以大逆論與其長子內大

臣查克旦皆磔死餘子六人孫一人兄弟子二人皆處斬籍沒族人前鋒統領白爾赫圖侍衛額爾德皆斬獄上上不允懿拜攘臂上前強奏累日卒坐蘇克薩哈處絞餘悉如議八年懿拜敗詔以蘇克薩哈雖有罪不至誅滅子孫此皆懿拜挾譽所致命復官及世爵以其幼子蘇常壽襲蘇納海他塔喇氏滿洲正白旗人由王府護衛擢弘文院學士累遷工部尙書加太子少保聖祖卽位拜國史院大學士兼管戶部時懿拜擅權以蘇納海不阿附璫之尋懿拜欲以虧遵化遷安正白旗諸屯莊改撥鑲黃旗而別圈民地疊正白旗使旗人訴請牒戶部蘇納海持不可謂旗人安業已久且奉旨不許再圈民地宜罷議懿拜益銜之矯旨遣貝子溫齊等履勘旋以鑲黃地不堪耕種疏聞遂遣蘇納海會直隸總督朱昌祚巡撫王登聯董理其事昌祚登聯交章請停圈換蘇納海亦言屯地難丈量候明詔進止懿拜遂坐以覈視上命並棄市懿拜獲罪昭雪復官謚蘇納海襄愍昌祚勤愍登聯愍昌祚字雲門漢軍鑲白旗人順治初官宗人府啟心郎十八年以工部侍郎巡撫浙江清廉沈毅平寇盜撥荒地給瀕海

內徙居民開墾免其所棄田畝丁糧戒所司藉端苛斂浙人德之康熙四年擢直隸山東河南三省總督圈地讓起旗民失業者數十萬人昌祚抗疏力言其不便卒以冤死祀直隸浙江名宦登聯字捷軒漢軍鎮紅旗人自貢生授河南鄭州知州薦擢山東濟寧道累遷大理寺卿順治十七年授保定巡撫嚴緝捕盜賊屏息康熙五年以京東諸路圈地擾民疏請停止言甚痛切民間聞其死甚哀之祀直隸名宦白爾赫圖初由噶布什賢壯達授兵部副理事官崇德間屢從征有功擢噶布什賢章京順治元年入關擊李自成敗賊將唐通於一片石多斬獲尋從豫親王多鐸西勦流寇克潼關移師江南徇蘇州略定浙江福建五年從鄭親王濟爾哈朗征湖南大破賊於湘潭平寶慶武岡累功晉一等阿達哈哈番擢噶布什賢噶喇依昂邦十五年從信郡王多尼征貴州屢陷陣進克雲南逾年率兵取永昌府渡潞江敗李定國遂克騰越州明桂王由榔及定國白文選俱遁入緬甸信郡王班師白爾赫圖留駐雲南定國入犯約降將高應鳳內應以由榔印劄誘元江土司那嵩叛白爾赫圖往勦斬應鳳於陣那嵩

白焚死賜白金鞍馬十八年與定西將軍愛星阿會師木邦緬人獻由榔至軍中康熙元年詔班師進一等阿思哈尼哈番後蘇克薩哈爲盃拜構陷以白爾赫圖爲其族弟竟被禍八年上以白爾赫圖無罪枉坐追復故官世職尋其子一等侍衛羅鐸訟其父雲南戰功爲盃拜所抑未予優敘詔旨三等精奇尼哈番賜祭葬設忠勇

遏必隆鉢祜祿氏滿洲鑲黃旗人額亦都第十六子母和碩公主天聰八年襲一等昂邦章京授侍衛管牛彙事貝勒尼堪福晉遏必隆兄圖爾格女也無子許取僕婦女爲己生事發遏必隆坐徇庇奪世職崇德六年從太宗伐明營松山築長圍守之明總兵曹變蛟率步騎突圍迭敗之夜三鼓變蛟集潰卒突犯御營遏必隆與內大臣錫翰等力戰殪十餘人變蛟負創走論功得優賞七年從饒餘貝勒阿巴泰等入長城克薊州進兵山東攻夏津先登拔之子牛彙章京世職順治二年從順承郡王勒克德渾勦李自成兒子錦於武昌拔鐵門關進二等甲喇章京五年兄子侍衛科普索訐其與白旗諸王有隙設兵護門奪

世職及佐領世祖親政遏必隆訟冤詔復職科普案旋獲罪以所製圖爾格等公爵令遏必隆併製爲一等公尋授議政大臣擢領侍衛內大臣累加少傅兼太子太保十八年受遺詔爲輔政大臣康熙六年聖祖親政加恩輔臣特封一等公以前所製公爵授長子法喀賜雙眼花翎加太師屢乞罷輔政許之四大臣當國焰拜獨專恣廢矯旨誅戮大臣遏必隆知其惡緘默不加阻亦不劾奏八年上逮治焰拜并下遏必隆獄康親王傑書諫上遏必隆罪十二論死上宥之削太師奪爵九年上念其爲顧命大臣且勳臣子命仍以公爵宿衛內廷十二年疾篤車駕親臨慰問及卒賜祭葬設格倍御製碑文勒石墓道十七年孝昭皇后崩遏必隆爲后父降旨推恩所生敕立家廟賜御書榜額五十一年上以遏必隆初襲額亦都世職命其第四子尹德襲一等精奇尼哈番尹德初自佐領授侍衛從聖祖征噶爾丹扈蹕甯夏尋自都統擢領侍衛內大臣兼議政大臣雍正五年以病乞休許致仕未幾卒謚慤敬尹德恭謹誠樸宿衛十餘年未嘗有過兼襲圖爾格二等公歲祿所入以均宗族人皆賢之尋祀賢良祠

乾隆元年詔晉一等公

薩拜瓜爾佳氏滿洲鑲黃旗人衛齊第三子初以巴牙喇壯達從征屢有功天聰八年授牛彙章京世職任甲喇額員崇德二年征皮島與甲喇額員準塔爲前鋒渡海搏戰敵軍披靡遂克之命優敍進三等梅勒章京賜號巴圖魯六年從鄭親王濟爾哈朗圍錦州明總督洪承疇赴援薩拜轍先陷陣五戰皆捷明兵大潰追擊之擒斬過半功最進一等擢巴牙喇叢章京八年從貝勒阿巴泰等敗明守關將進薄燕京略地山東多斬獲凱旋敗明總督范志完總兵吳三桂軍敍功進三等昂邦章京賚甚厚順治元年隨大兵定燕京世祖考諸臣功績以薩拜忠勤勳力進一等二年從英親王阿濟格征湖廣至安陸破流賊李白成進征四川斬張獻忠於陣下遵義夔州茂州諸郡縣五年坐事奪世職又以貝子屯齊訐告謀立肅親王私結盟誓論死詔宥之罰錢自贖是年率兵駐防大同擊叛鎮姜瓖迭敗之克孝義七年復坐事降一等阿思哈尼哈番世祖親政授議政大臣累進二等公子世襲摠領侍衛內大臣累加少傅兼太子

太傅十八年受顧命輔政既受事與內大臣費揚古有隙又惡其子侍衛倭赫及侍衛西住折克圖覺羅塞爾弼同直御前不加禮輔臣遂論倭赫等擅乘御馬及取御用弓矢射鹿並乘市又坐費揚古怨望亦論死并殺其子尼侃薩哈連籍其家以與弟都統穆里瑪初入關八旗皆有分地睿親王多爾袞領鑲黃旗定分地在雄大城新安河間任邱肅甯容城諸縣至是已二十年旗民相安久盜拜以地確倡議八旗自有定序鑲黃旗不當處右翼之末當與正白旗薊遼化遷安諸州縣分地相易正白旗地不足別圈民地補之中外皆言不便蘇克薩哈爲正白旗人與相抗尤力盜拜怒悉逮蘇納海等乘市事具蘇克薩哈傳又追諭故戶部尙書英俄爾岱當睿親王攝政時阿王意授分地亂序並及其他專擅諸事奪世職時有竊其馬者盜拜捕斬之並殺御馬羣牧長怒蒙古都統俄訥喇哈達宜理布於議政時不附己即令蒙古都統不與會議盜拜受顧命名列遐必隆後自索尼卒班行章奏盜拜皆首列日與弟穆里瑪姪塞木特訥莫及班布爾善阿思哈噶褚哈瑪爾賽泰必圖濟世吳格塞等黨比營私凡

事即家定議然後施行侍讀熊賜履應詔陳時政得失濫拜惡之請禁言官不得陳奏上親政加一等公其子納穆福襲二等公世祖配天加太師納穆福太子少師濫拜益專恣戶部滿尙書缺員欲以命瑪爾賽上別授瑪希納濫拜援順治間故事戶部置滿尙書二強請除授漢尙書王宏祚領部久瑪爾賽不得自擅乃因事辭而去之卒又擅予諡忠敏工部滿尙書缺員妄稱濟世才能強請推補八年上以濫拜結黨專擅勿思悛改下詔數其罪命讓政王等逮治康親王傑書等會諫列上濫拜大罪三十論大辟并籍其家納穆福亦論死上親勦俱質詔謂効力年久不忍加誅但褫職籍沒納穆福亦免死俱予禁錮濫拜死禁所乃釋納穆福五十二年上念其舊勞追賜一等阿思哈尼哈番以其從孫蘇赫襲蘇赫卒仍以濫拜孫達福襲世宗立賜祭葬復一等公子世襲加封號曰超武乾隆四十五年高宗宣諭羣臣追覈濫拜功罪命停襲公爵仍襲一等男並命當時爲濫拜諱害諸臣有被奪世職者各旗察奏錄其子孫穆里瑪衛齊第六子衛齊卒襲世職牛彙章京授一等侍衛順治初遷甲喇額貞世

職累進一等阿達哈哈番兼拖沙喇哈番從征金聲桓克饒州遂下南昌十七年擢工部尙書並授本旗滿洲都統李自成將李來亨等降於明竄伏鄖襄山中出劫掠爲寇康熙二年授穆里瑪靖西將軍圖海定西將軍率師討之來亨擁衆據茅麓山穆里瑪督兵攻圍九戰皆捷來亨等夜襲總督李國英提督鄭蛟麟營穆里瑪赴援大破之來亨自焚死餘衆降論功超進一等阿思哈尼哈番道拜得罪坐死班布爾善太祖諸孫輔國公塔拜子也初封三等奉國將軍累進輔國公康熙六年以領侍衛內大臣拜秘書院大學士諂事鰲拜及事敗王大臣劾奏班布爾善大罪二十一坐絞同時坐鰲拜黨罪至死者吏部尙書阿思哈侍郎泰必圖兵部尙書噶褚哈工部尙書濟世內秘書院學士吳格塞及道拜姪塞木特訥莫瑪爾賽追奪官爵削謚

論曰四輔臣當國時改世祖之政必舉太祖太宗以爲辭然世祖罷明季三餉四輔臣時復徵練餉並令併入地丁考成此非太祖太宗舊制然也則又將何辭索尼忠於事主始終一節錫以美謚誠無愧焉蘇克薩哈見忌同列遂致覆

宗遇必降黨比求全幾及於禍盜拜多戮無辜功不掩罪聖祖不加誅殛亦云幸矣

清史稿

列傳三十七

李 翡

孫廷銓

杜立德

馮 淳

王 熙

吳正治

黃 機

宋德宜

伊桑阿

阿蘭泰

徐元文

子 聰

李霨字坦闡直隸高陽人明大學士國樞子少孤劬學自厲順治三年成進士選庶吉士授檢討進編修十年世祖親試習國書翰林霨列上等擢中允累遷秘書院學士時初設日講官霨與學士麻勒吉胡兆龍侍讀學士折庫納洗馬王熙中允方懸成曹本榮等並入直尋充經筵講官十五年拜秘書院大學士內三院改內閣以霨爲東閣大學士兼工部尙書加太子太保以票擬疏誤鐫四秩未幾復官任事如故偕大學士巴哈納等校定律例十八年聖祖即位復

內三院以霨爲弘文院大學士時四大臣輔政決機務或議事齟齬霨輒默然既乃出片言定是非票擬或未當不輕論執每於談笑間婉言曲喻徐使更正其間調和匡救保護善類霨有力焉康熙八年夏旱奉詔清刑獄釋繫囚多所平反明年復內閣霨以保和殿大學士兼戶部尙書與修世祖實錄充總裁官十一年書成賜銀幣鞍馬晉太子太傅未幾三藩叛繼以察哈爾部作亂上命將出征凡機密詔旨每日授霨起草退直嘗至夜分或留宿閣中所治職務出未嘗告人忠謹慎密始終匪懈二十一年重修太宗實錄成進太子太師臺灣初定提督施琅請設官鎮守廷議未決有謂宜遷其人棄其地者上問閣臣霨言臺灣孤懸海外屏蔽閩粵棄其地恐爲外國所據遷其人慮有姦宄生事應如琅議上聽之二十三年卒諡文勤霨弱冠登第大拜時年裁三十有四風度端重內介外和久居相位尤嫻掌故眷遇甚厚四十九年上追念前勞超擢其孫工部主事敏啟爲太常寺少卿

孫廷銓初名廷鉉字枚先山東益都人明崇禎進士任永平推官順治元年授

天津推官二年以巡撫雷興薦擢吏部主事厯郎中與曲沃衛周祚同官文選司有聲於時累遷左通政十年擢戶部侍郎以大學士洪承疇薦召對尋坐事罰俸論告歸還朝改兵部擢尙書十三年調戶部廷銓以歲會無總錄無以劑盈絀之宜殫心綜覈錢穀舊隸諸部者各還所司條貫釐然歲會之成自此始十四年疏言山東河南荒田請招民墾開其已熟者清釐賦額無使隱漏上從其言十五年調吏部加太子太保十六年諭獎其勤勞加少保廷銓疏請復學道陞補脩制下所司集議如廷銓請時吏部銓除一事數例吏胥因緣爲奸給事中楊雍建胡爾愷黏本盛孫際昌王啓祚御史許劭晰交章發其弊且劾廷銓因循爲所蔽奪加銜罰俸十七年疏言新開邊疆員缺督撫委用即予實授與部選之員一體遷轉莅事未久輒移內地請定爲試署二年乃予實授又言司道不宜輕易非大計處分及貪酷被糾者遇降革仍留任皆從之又因旱疏請寬考成興屯政上命兵部議屯政而詢廷銓請寬考成議中有云積資累薦棄以一眚語何所指廷銓言積疲州縣久累人材宜稍寬減觀後效非爲處分

人員求免世祖崩二十七日制滿廷銓發議尊皇太后爲太皇太后上所生母爲皇太后葬九卿上請舉大禮疏及議大行皇帝謚號廷銓曰大行皇帝龍興中土混一六合功業同於開創宜謚爲高皇帝衆皆和之而輔臣齧持異議遂定謚章皇帝時太祖謚武皇帝故廷銓議如是時論頗歸之康熙二年拜秘書院大學士奉職勤慎終歲未嘗休沐逾年以父母年老解職歸養閉戶郤掃不與外事十三年卒諱文定

杜立德字純一直隸寶坻人明崇禎進士順治元年以順天巡撫宋權薦授中書科中書二年考選戶科給事中疏陳治平之道有三一曰敬天君爲天之子當修省以迓天休今秦晉燕畿水旱風雹天心示警凡開誠布公懋德敦行皆敬天事也一曰法古古者事之鑑是非定於一時法則昭於百代故合經而後能權遵法而後能創凡建學明倫立綱陳紀皆法古事也一曰愛人自大臣以至百姓宜一視同仁且無論新舊悉存棄短取長之心凡親賢納諫尚德緩刑皆愛人事也上以其有裨治理深嘉納之又累疏言牧民之官宜久任以驗成

功凡遇賑蠲宜分別款項豫行頒示使小民咸喻胥吏不能爲姦條編法簡易
便民軍興草豆無定額宜敕部定價值使民先事爲備皆下部議行累遷戶科
都給事中疏言漕運叢弊今漕臣庫禮搜獲運官使費冊三十本送部請敕窮
究以釐姦弊再遷吏科都給事中八年疏請舉行經筵擇廷臣經明行修者爲
講官以裨聖治又請定朝期肅禁地杜加派上甚懇之初睿親王多爾袞攝政
給事中許作梅御史吳達李森先桑芸等交章劾大學士馮銓姦貪狀疏上旬
日未下廷議立德請令滿漢大臣集議以申公論鼓直言之氣並及馬士英阮
大鋮宋企郊等在前朝或納賄招權或煽惡流毒今並迹逃宜急捕誅以彰法
紀下刑部以事在赦前寢其議聖祖親政銓既黜立德因言作梅等前以劾銓
爲所切齒又僉都御史趙開心素爲銓所忌相繼構陷去官乞矜察由是開心
等俱起用立德尋遷太常寺少卿超擢工部侍郎調兵部畿輔水灾奉詔振濟
大名全活甚衆再調吏部以父憂去坐兵部任註誤鐫秩調用服闋除太僕寺
卿擢刑部侍郎十六年加太子少保銜領侍衛內大臣額爾克岱青家奴縛侍

衛誣訴部議罪侍衛下內大臣索尼等察質立德奪加銜十六年擢尚書立德治獄仁恕上聞其用法平深嘉之嘗入對既出上顧左右曰此新授刑部尚書杜立德也不貪一錢亦不妄殺一人康熙元年調戶部考滿復加太子少保三年調吏部八年拜國史院大學士聖祖親政乾清宮成擇日臨御欽天監奏吉神在隅不宜從中門入立德言紫微帝星所在吉神拱向皇上遷正新官臣庶觀瞻應從中門入監臣所奏非是上從其言九年改保和殿大學士兼禮部尚書進太子太傅三藩事起立德與李霨馮溥參預機務從容整暇中外相安廣東平所司具正雜賦稅之數以聞立德言廣東雜稅多尙之信所加爲民間大累非朝廷正額今變亂甫定宜與民休息其除之便上從之十八年自陳乞休其秋地震復請罷詔輒慰留雲南平議頒恩赦立德告病未與議遣大臣持詔旨就其家諮詢俟還奏乃下詔一日上顧閣臣謂在廷諸臣誰堪大用者立德面疏數人以對比退人訝其不稍引嫌答曰自筮仕以來惟此心可邀帝鑒他非所計也二十一年夏復乞休上許之賜御製詩及怡情洛社篆章馳驛遣行

人護歸太宗實錄成進太子太師賜銀幣鞍馬二十六年太皇太后喪立德詣京師哭臨上念其老病不任拜起命學士張英扶掖以行慰勞甚至三十一年卒年八十一上聞諭大學士曰杜立德秉性厚重行事正大直言數奏不肯苟隨同列可謂賢臣賜祭葬如禮設文端三十九年帝南巡其子恭俊迎駕三河上問立德葬所手書永言惟舊四字賜之命揭諸阡恭俊官廣信知府好義善濟人急

馮溥字孔博山東益都人順治三年進士選庶吉士授編修累遷秘書院侍讀學士直講經筵世祖幸內院顧大學士曰朕視馮溥乃眞翰林也十六年擢吏部侍郎會各省學道缺部郎不足以知府補之已會禮部議奏時尚書孫廷銓侍郎石申並乞假給事中張維赤因劾溥徇私溥疏辨上曰朕知溥不爲也置勿問明年京官三品以上自陳忽嚴旨黜滿尙書科爾坤及兩侍郎獨留漢官在部溥與廷銓疏言部事滿漢同治今滿臣得罪漢臣安得免乞並黜詔供職如故康熙初停各省巡按議每省遣大臣一人廉察督撫吏部尙書阿思哈侍

郎泰必圖議設公廨頒冊印溥謂國家設督撫皆重臣今謂不可信復遣兩大臣監之權既太重勢復相軋保無屬吏仰承左右啟隙端泰必圖性暴伉閭溥言恚瞋目攘臂起溥徐曰會議也獨不容吾兩議耶且可否自有上裁豈政專主疏入上然溥言事遂寢御史李秀以考績黜後夤緣得復官勅溥爲故相劉正宗黨主銓時違例徇私溥疏辨嚴旨責秀誣評六年遷左都御史內閣有紅本已發科鈔輔臣鼈拜收回改批溥抗言本章既批發不便更改鼈拜欲罪之上直溥戒輔臣詳慎盛京工部侍郎缺已會推奉旨以規避者多不旬日三易其人溥疏言王言不宜反汗當慎重於未有旨之先不當更移於已奉旨之後首輔班布爾善寢其奏上聞取溥疏覽之稱善飭部施行八年夏旱應詔陳言請省刑薄稅略謂古者罪人不孥今一事牽連佐證或數人或數十人往往本犯尙未審明而被累致死者已多且或延至七八年尙未結案遂致力稽供稅之人拋家失業請敕部嚴禁百姓之財不過取之田畝今正月已開徵舊稅之逋甫償新歲之田未種錢糧從何辦納請敕部酌議自後征賦緩待夏秋下戶

刑二部議刑部議承審強盜人命重案限一年速結不得牽累無辜督撫及承審官隱漏遲延皆有罰戶部議春季兵餉不能待至夏秋仍舊例便得旨俟國用充足戶部奏請更定戶部吏陳一魁冒領清苑等縣錢糧事發溥言錢糧者百姓之脂膏也其已輸在官則朝廷之帑藏也若任胥吏侵盜職掌謂何請嚴定所司處分懲前毖後擢刑部尙書十年拜文華殿大學士疏言直隸山東河南山西陝西米麥豐收穀價每斗值銀三四分當此豐稔之時宜廣積貯以備凶年先是溥以衰病累疏乞休上曰卿六十四歲未衰也俟七十乃休耳自吳三桂反軍事旁午乃不敢復言十四年建儲禮成內閣議恩赦滿大臣以八旗逃人應不赦溥不可遂兩議以進詔下閣臣畫一奏聞有謂當從滿大臣議者溥持之力仍以兩議進上卒從之十七年福建平溥以年屆七十復申前請上仍慰留二十一年秋詔許致仕遣官護行馳驛如故事比將歸詣內閣謝賜遊西苑內侍携酒果所至坐飲三爵臨發疏請清心省事與民休息言甚切溫旨報聞賜御製詩及適志東山篆章命麟官牛紐陳廷敬傳諭曰朕聞山東仕於朝

者彼此援引造爲議論務有濟於私又居鄉多擾害地方朕審知其弊馮溥久居禁密可教訓子孫務爲安靜太宗實錄成加太子太傅三十年卒年八十三謚文毅溥居京師闢萬柳堂與諸名士觴詠其中性愛才聞賢能輒大書姓名於座隅備薦擢一時士論歸之

王熙字子雍順天宛平人父崇簡明崇禎十六年進士順治三年以順天學政曹溶薦補選庶吉士授檢討累遷禮部尙書加太子少保嘗疏請賜卹明季殉難范景文蔡懋德等二十八人又議帝王廟罷宋臣潘美張浚從祀北岳移祀渾源皆用其議十八年引疾解職康熙十七年卒謚文貞熙順治四年進士選庶吉士授檢討累遷右春坊諭德召直南苑譯大學衍義充日講官進講稱旨累擢弘文院學士時崇簡方任國史院學士上曰父子同官古今所罕以爾誠恪特加此恩十五年擢禮部侍郎兼翰林院掌院學士考滿加尙書銜時崇簡爲尙書父子復同官十八年正月上大漸召熙至養心殿撰遺詔熙伏地飲泣不能下上諭勉抑哀痛即御榻前先草第一條以進尋奏移乾清門撰擬進

呈者三皆報可是夕上崩聖祖嗣位熙改兼弘文院學士康熙五年遷左都御
史時三藩擁兵踰制吳三桂尤崛強擅署官吏浸驕蹇萌異志子應熊以尙主
居京師多聚姦人散金錢交通四方熙首疏請裁兵減餉略言直省錢糧半爲
雲貴湖廣兵餉所耗就雲貴言藩下官兵歲需俸餉三百餘萬本省賦稅不足
供什一勢難經久臣以爲滇黔已平綠旗額兵亟宜汰減即藩下餘丁亦宜散
遣屯種則勢分而餉亦裕復疏言閩廣江西湖廣等省官吏挾貲貿易與民爭
利或指稱藩下依勢橫行宜飭嚴禁又言近例招民百家送至盛京得授知縣
不肖姦人借資爲市貽害地方宜改給散秩見任官吏捐輸銀米博取議敍名
出私橐實取諸民宜一切報罷上俱從之七年夏旱金星晝見詔求直言熙疏
言世祖章皇帝精勤圖治諸曹政務皆經詳定數年來有因言官條奏改易者
有因各部院題請更張者有會議興革者則例繁多官吏奉行任意輕重請敕
部院諸司詳察見行事例有因變法而滋弊者悉遵舊制更正其有從新例便
者亦條晰不得不然之故裁定畫一上命各部院條議遵舊制刪繁例凡數十

事遷工部尙書十二年調兵部是年冬三桂反京師聞變都城內外一夕火四起皆應熊黨爲之也明年三月用熙言誅應熊尋命熙專管密本漢臣與聞軍機自熙始十七年以父憂去二十一年即家拜保和殿大學士兼禮部尙書時三藩既平熙以和平寬大宣上德意與民休息造次奏對直陳無隱上每傾聽太祖實錄成加太子太傅三十一年以疾累疏乞休溫旨慰留四十年詔許致仕晉少傅明年上元節賜宴其家遣官齎手敕存問四十二年卒上命皇長子直郡王允禔大學士馬齊臨喪行拜奠禮舉哀爵酒恩禮有加謚文靖熙持大體有遠慮平定三藩後開方略館一日上諭閣臣當三桂反時漢官有言不必發兵七旬有苗格者又其時漢官多移妻子回家顧學士韓炎曰汝爲朕載之炎退而皇恐熙乃昌言閣中曰有苗格乃會議時魏象樞語告者截去首尾遂失其本意然如其言豈非誤國移家偶然耳日久何從分別其移者豈非背主漢官負此兩大罪何顏立朝翌日入見執奏如閣中語上許之熙子克善克勤皆世祖命名克善能文熙不令與試遇鄉會典試熙輒注假以聖祖方惡漢人

師生之習故尤慎之二十七年典會試蓋特命也雍正中入祀賢良祠弟燕字子喜以父廢任戶部郎中出爲鎮江知府擢江蘇按察使治獄稱平遷湖廣布政使巡撫貴州建學設官減賦稅教養兼施善拊循苗人頒條教飭州縣無縱姦人詭索土司撫黔三年移疾歸卒

吳正治字當世湖北江夏人順治六年進士選庶吉士授國史院編修丁母憂服闋起故官遷右庶子十五年特簡翰林官十五人外用正治與焉得江西南昌道遷陝西按察使所至以清廉執法著稱十七年內擢工部侍郎調刑部平亭疑獄釋江南逋賦無辜諸生二百餘人疏論奉行赦款宜速丈量田地宜停禁狀外指扳嚴婦女私嫁皆著爲令康熙八年以父憂去起兵部督捕侍郎充經筵講官十二年遷左都御史疏言輯逃事例首嚴窩隱一有容留雖親如父子卽坐以罪使小民父子視若仇讐伏讀律有親屬容隱之條惟叛逆者不用此律逃人乃旗下家人之事與叛逆輕重相懸請自今有父子窩逃被人舉發者逃犯治罪免坐窩隱若容留逾旬父子首報者逃犯依自首例減罪則首報

者多逃人易獲朝廷之法與天性之恩兩不相悖矣又言今歲雨澤愆期方事
祈禱近因直隸多盜廷議於玉田灤州霸州雄縣增設駐防旗兵構建營房勞
民動衆應暫停止俟農隙時酌行疏入下部議俱如所謂先是睿親王多爾袞
當國嚴旗下逃人之禁繁拜繼之禁益嚴株連窮治天下憲然而圈地建營房
凡涉旗務漢大臣莫敢置喙自正治疏出逃人禁稍寬營房亦能建世多以是
稱之尋遷工部尙書調禮部十八年自陳乞休詔嘉其端勤誠慎慰留之二十
年拜武英殿大學士時修太祖實錄聖訓會典方略一統志俱充總裁官加太
子太傅正治守成法識大體一日聖祖閱朝審冊有以刃刺人股致死而抵法
者上曰刺股傷非致命此可寬也正治對曰當念死者之無辜他日又閱冊有
囚當死上問此囚尙可活否衆皆以情質對正治曰皇上好生之德臣等敢不
奉行退而細勘得可矜狀遂從末減二十六年復疏乞休詔許原官致仕三十

年卒謚文僖

黃機字次辰浙江錢塘人順治四年進士選庶吉士授弘文院編修世祖幸內

院訓機里籍官職命與侍講法若真修撰呂宮編修程芳朝撰柳下惠不以三
公易其介論上暨華賜茶授左中允尋遷弘文院侍讀十二年機疏言自古仁
聖之君必祖述前謨以昭一代文明之治今纂修太祖太宗實錄告成乞敕諸
臣校定所載嘉言嘉行彷彿觀政要洪武寶訓諸書輯成治典頒行天下尤願
萬機之暇朝夕省覽法開創之難艱知守成之不易何以用人而收羣策之效
何以納諫而宏虛受之風何以理財而裕酌盈劑虛之方何以祥刑而無失出
失入之患力行身體則勤有成模紹美無極上愈之詔輯太祖太宗聖訓以機
充纂修官累遷國史院侍讀學士擢禮部侍郎康熙六年進尚書疏言民窮之
由有四雜捐私派棍徒嚇詐官貪而兵橫請嚴察督撫舉劾當否以息貪風甦
民命各省藩王將軍提鎮有不法害民之事許督撫糾劾請飭破除情私毋更
因循始誤地方七年調戶部再調吏部機以疏通銓法議降補官對品除用爲
御史季振宜所劾既而給事中王曰溫劾故庶吉士王彥卽機子黃彥博欺妄
應罷黜機以彥與彥博姓名不同且彥博死已久疏辨得免議尋以遷罪乞假

歸而論者猶不已十八年特召還朝以吏部尙書銜管刑部事御史張志棟言
機老成忠厚然衰邁恐誤部事應令罷歸上以志棟言過當命機供職如故明
年授吏部尙書以年老請告詔慰留二十一年拜文華殿大學士兼吏部逾年
復乞休許以原官致仕遣官護行馳驛如故事二十五年卒謚文僖

宋德宜字右之江南長洲人父學朱明御史巡按山東死於難德宜年十七伏
闕請卹與兄德宸弟德宏並著文譽順治十二年成進士選庶吉士授編修累
遷國子監祭酒嚴立條教六館師生咸敬憚之聖祖親政釋奠太學御彝倫堂
命德宜束靴坐講周易乾卦辭稱旨遷翰林院侍讀學士擢內閣學士德宜風
度端重每奏事輒當上意康熙十一年扈蹕塞外上從容詢及江南逋賦之由
德宜極言蘇松賦役獨重民力凋敝上爲動容詔明年蠲蘇松四府錢糧之半
遷戶部侍郎發龍江關大使李九官餽遺上嘉其不私襯九官職尋調吏部十
五年擢左都御史時陝甘閩粵漸已底定惟吳三桂未平德宜疏言三桂所恃
不過鎗砲鉞他專藉硝黃硝黃產自河南山西必奸民圖利私販請飭嚴禁上

以督撫提鎮稽察不嚴下兵刑二部嚴定處分德宜又疏言頻年發帑行師度
支不繼皇上允廷臣之請開例捐輸三年所入二百萬有餘捐納最多者莫如
知縣至五百餘人始因缺多易得跡蹤爭趨今見非數年不得選授徘徊觀望
請敕部限期停止慎重名器又疏言沿海居民以漁爲生佐賦稅備災荒而利
用通商又立市舶之制本朝以海氛未靖立禁甚嚴近者日就蕩平宜及此時
招撫撫恤沿海居民以捕魚爲業商人通販海島皆許其造船出海官給印票
仿舊例輸稅人口商貨往來出入咸稽核之事並下所司議行十七年疏言自
三桂煽亂各路統兵大將軍以下亦有玩寇殃民營私自便或越省購買婦女
甚者掠奪民間財物稍不如意即指爲叛逆今當剋期滅賊尤恐借端需索請
嚴飭上下王大臣申禁山東提督柯永泰縱兵鼓譟德宜勑奏上命速治孝昭
皇后崩德宜上疏請秉禮節哀並言宵旰憂勤天顏清減昔唐太宗銳意勤學
劉洎諫以多記損心宋儒程顥亦曰帝王之學與儒生不同伏願軸繹篇章略
方名象數之繁擇其有關政治裨益身心而討論之稍節耳目之勞用葆中和

之德上嘉納焉遷刑部尙書調兵部四川初定大軍糗糧皆運自陝西出棧道
顛踣相望陝西民大困工部侍郎趙瓊金鼐疏上陳德宜因言大軍下雲貴需
餽孔亟秦蜀互相推諉皆由總督分設川陝設一總督則痛癥相關隨地調發
可以酌劑均平詔如議行靖逆將軍張勇以甘肅防邊事重請緩裁前此添設
官兵部臣議如所請德宜獨謂當日河東有兵事添設官兵事平應即裁汰將
軍標下前以步兵二千名改爲馬兵今宜復原定經制馬六步四惟以防邊添
設之兵可無議裁上遣尙書哲爾肯往會勇等閏核留河州寧夏添設兵餘仍
復原定經制如德宜議追三藩平軍中俘獲婦女並籍旗下德宜言宜聽收贖
所釋甚衆調吏部左都御史魏象樞副都御史科爾崑等勅德宜會推江西按
察使事失當德宜疏辨部議降五級上以會推原令各出所見免德宜處分二
十三年拜文華殿大學士重修太宗實錄成加太子太傅德宜嚴毅木訥然識
國家大事侃侃獨據所見居官廉謹未仕時有宅一區薄田數頃既貴無所增
益門巷蕭然二十六年卒謚文恪子駿業自副貢授翰林院待詔直御書處歷

兵科給事中康熙四十一年疏劾湖廣總督郭琇提督林本植巡撫金璽總兵雷如等辦理苗疆勦撫失宜勑實琇等降革有差終兵部侍郎

伊桑阿伊爾根覺羅氏滿洲正黃旗人順治九年進士授禮部主事累擢內閣學士康熙十四年遷禮部侍郎擢工部尙書調戶部時吳三桂踞湖南廷議創舟師自岳州入洞庭斷賊餉道命伊桑阿赴江南督治戰艦明年復命偕刑部侍郎禪塔海詣茶陵督治戰艦二十一年黃河決命往江南勘視河工以布政使崔維雅隨往維雅條上治河法與靳輔議不合伊桑阿因請召輔面詢上以維雅所奏無可行寢之尋疏陳黃河兩岸隄工修築不如式奪輔職戴罪督修復命籌海運疏言黃河運道非獨輸輓天庾卽商賈百貨賴以通行國家在所必治若海運先需造船所費不貲且膠萊諸河久淤開濬匪易上是之是年冬俄羅斯犯邊命往甯古塔造船備徵調再調吏部二十三年夏旱偕王熙等清刑獄其秋扈蹕南巡命閱視海口疏言車路串場諸河及白駒草堰丁溪諸口宜飭河臣疏濬引流入海歷兵禮二部尙書二十七年拜文華殿大學士兼吏

部充三朝國史總裁三十六年上親征噶爾丹命往甯夏安設驛站事平與大學士阿蘭泰充平定朔漠方略總裁官居政府十五年尤留意刑獄每侍直勾本上有所問輒能舉其詞同列服其精詳上嘗御批本房伊桑阿與大學士王熙吳璵及學士韓英等以折本請旨上曰人命至重今當勾決尤宜詳慎爾等苟有所見當盡言伊桑阿乃舉可矜疑者十餘人皆得緩死上徐曰此等所犯皆當死猶曲求其可生之路不忍輕斃一人因念淮揚百姓頻被水害死者不知凡幾河患不除朕不能暫釋於懷也伊桑阿陳災民困苦狀上曰百姓既被水害必至流離轉徙田多不耕賦安從出今當預免明年田賦俾灾黎於水退時思歸故鄉粗安生業伊桑阿等皆頓首遂下詔免淮揚明年田賦三十七年以年老乞休上諭阿蘭泰曰伊桑阿厚重老成宣力年久爾二人自任閣事推誠布公不惟朕知之天下無不知者伊桑阿雖年老求罷朕不忍令去也四十一年復以病告詔許原官致仕逾年卒謚文端乾隆中入祀賢良祠子伊都立自舉人任內務府員外郎歷刑部侍郎巡撫山西坐事奪職雍正七年命赴大

將軍傅爾丹軍治糧餉授額外侍郎十三年以侵餉軍糧事覺褫職下獄論大辟乾隆七年赦釋

阿蘭泰富察氏滿洲鑲藍旗人性敏慎初授兵部筆帖式康熙初累遷職方郎中三藩事起專司軍機文檄議政王大臣以勤勞詳慎疏薦得旨以三品卿用二十年擢光祿寺卿遷內閣學士充平定三逆方略副總裁兼充明史總裁二十二年遷兵部侍郎兼管佐領擢左都御史上閔方略以叙事多舛錯諭閣臣曰平逆始末阿蘭泰知之甚詳可與酌改務期紀載得實遷工部尙書累調吏部二十八年上以兩澤愆期命偕尙書徐元文慮囚奏減罪可矜疑者四十五人是年拜武英殿大學士陝西饑命阿蘭泰與河督靳輔議運江淮糧米自黃河泝西安以備積儲三十四年上出古北口巡歷塞外命留京綜閱章奏明年上親征噶爾丹阿蘭泰仍留京與尙書馬齊佛倫宿衛禁城其秋隨駕出歸化城駐蹕黃河西界經畫軍務以扈從勞賜內廄馬厄魯特台吉丹濟拉來降上駐蹕翰特穆爾領召入見阿蘭泰及郎中阿爾法引之入御幄上屏左右令阿

蘭泰等出獨與丹濟拉語良久及退召阿蘭泰諭曰爾借降人入以防不測意甚善朕令爾出欲推誠示不疑耳三十七年與伊桑阿俱以年老善忘奏解閣務上曰大學士重任必平坦雍和任事謹慎者方爲稱職至於記事可令學士任之明年卒方病劇上欲臨視遣皇子先往而阿蘭泰已卒上爲輶朝一日遣皇子及內大臣莫圖哈太保加贈少保謚文清阿蘭泰操行清謹處政府遠權勢人莫敢干以私以是爲上所重後上與大學士論內閣舊臣稱阿蘭泰能強記且善治事云子富甯安初襲其從祖尼哈納拜他喇布勒哈番世職自侍衛歷官正黃旗漢軍都統改授左都御史遷吏部尚書富甯安內行修篤事親至孝聖祖亟稱之又嘗諭廷臣曰富甯安自武員擢用人皆稱其操守是以授爲吏部尚書今部院中欲求清官甚難當於初爲筆帖式時即念日後擢用可爲國家大臣自立品行也五十四年策妄阿喇布坦侵哈密命富甯安赴西安視師許以便宜調遣賊旋遁詔緩進兵回駐肅州經理糧馬五十六年授靖逆將軍駐軍巴里坤與將軍傅爾丹等分路規賊旋率兵襲擊厄魯特邊境進

屯烏魯木齊屢敗賊五十九年進兵烏蘭烏蘇遣侍衛哲爾德等分道襲擊斬獲甚衆別遣散秩大臣阿喇納等諭降闢展回人進擊吐魯番降其酋長獲駝馬無算時策妄阿喇布坦挾所屬吐魯番回人偕徙中道多遁歸命富寧安收撫其衆未幾賊復來犯遣將援勦自率兵進駐伊勒布爾和碩調遣策應會阿喇納連敗賊竄走乃還駐巴里坤六十一年疏言嘉峪關外布隆吉爾之西爲古瓜沙燬煌地昔吐魯番建城屯種遺址猶存若駐兵屯牧設總兵官一人統之可扼薰色爾勝之路又請專遣大臣領屯田糧儲及牧駝運糧事上可其奏世宗卽位授武英殿大學士筦軍務如故雍正四年還朝賜御用冠服雙眼花翎黃緋鞍馬並諭王大臣富甯安端方廉潔年來領兵將軍聲名無出其右者授世襲侯爵尋進一等侯加太子太傅署西安將軍六年坐事奪爵仍留大學士任是年卒於西安謚文恭與父阿蘭泰同祀賢良祠

徐元文字公肅江南崑山人初冒姓陸通籍後復姓少沈潛好學與兄乾學弟秉義有聲於時稱爲三徐元文舉順治十六年進士第一世祖召見乾清門還

啓皇太后曰今歲得一佳狀元賜冠帶蟒服授翰林院修撰從幸南苑賜乘御馬嘗奉命撰孚齋說孚齋世祖讀書所也上覽之稱善命刊行康熙初江南逋賦獄起元文名麗籍中坐謫攀儀衛經歷事白復原官丁父憂居喪行古禮起補國史院修撰累遷國子監祭酒充經筵講官元文閒雅方重音吐宏暢進講輒稱旨元文疏請敕直省學臣問歲一舉優生鄉試仍復副榜額俱送監肄業並著爲令復請永停納粟章下所司居國學四年端士習正文體條教大飭其後上語閣臣徐元文爲祭酒規條嚴肅滿洲子弟不率教者輒加撻責咸敬憚之後人不能及也十三年遷內閣學士改翰林院掌院學士充日講起居注官敎習庶吉士先是熊賜履在講筵累稱說孔孟程朱之道上欲博覽前代得失之由命詞臣以通鑑與四書參講元文因取朱子綱目擇其事之繫主德裨治道者采取先儒之說參以臆斷演繹發揮按期進講尋以母憂歸十八年特召監修明史疏請徵求遺書薦李清黃宗羲曹溶汪懋麟黃虞稷姜宸英萬言等徵入史館不至者錄所著書以上荐補內閣學士時有議遣大臣巡方者元文

言於閣中曰巡方向遣御史以有臺長約束故僨事者鮮若遣大臣或妄作威福誰能禁之因入告事得寢明年擢左都御史會師下雲南吳三桂之徒多率衆歸附耗餽不貲元文疏言三桂遺孽旦夕伏誅凡脅從之衆恩許自新若仍留本土既非永久之規移調他方亦多遷徙之費統以別將則猜疑未化終涉危嫌掘之歸旗則放恣既久猝難約束請以武職及入伍者與綠旗一體錄用餘俱分遣爲民以裕餉需至耿精忠尙之信孫延齡舊隸將弁尤宜解散勿仍藩旗名目又請革三藩虐政在粵者五曰鹽埠曰渡稅曰總店曰市舶曰魚課在閩者四曰鹽稅曰報船曰冒擾驛夫曰牙行渡稅在滇者四曰勳莊曰圈田曰礦廠曰光兵疏入俱下所司議行初御史劉安國請察隱占田畝州縣利有升級多捏報累民元文力言其弊謂名爲加稅實耗糧戶請飭督撫檢舉復條列近時督撫四弊時部例捐納官到任三年後稱職者具題升轉不稱職者罷之既後令捐銀者免其具題又生員得捐納歲貢元文言捐納事例係一時權宜請於收復滇南之日降詔停止言甚剴切雲南平告廟肆赦廷臣多稱頌功

德元文獨言聖人作易於泰豐既濟諸卦垂戒尤切景運方新願皇上倍切咨
啟兼諭大小臣工洗心滌慮毗贊大業勿狃目前之淺圖務培國家之元氣振
紀綱以崇大體核名實以課吏材崇清議以定國是厲廉恥以正人心端教化
以圖治本抑營競以儆官邪敦節儉以厚風俗正名分以絕姦萌並當今急務
上愈之時方嚴窩逃之禁杭州將軍馬哈達以民間多匿逃人請自勾掘勿移
有司元文曰是重擾民也無已當令督撫會同將軍行之京師姦人多掠平民
賣旗下官吏豫印空契給之屢發覺元文疏請禁止又八旗家人投水自經報
部者歲及千人疏請嚴定處分上俱從之京察計典罷官者謀入貲捐復元文
力持不可遂罷議先後疏劾福建總督姚啓聖縱恣謠詐杭州副都統高國相
縱兵虐民兩淮巡鹽御史堪泰徇庇貪官御史蕭鳴鳳居喪蔑禮俱諫鞠得實
惟啓聖辨釋二十二年以會推湖北按察使坐所舉不實鐫三秩調用尋命專
領史局二十七年復代其兄乾學爲左都御史遷刑部尙書調戶部二十八年
拜文華殿大學士兼掌翰林院事上南巡幸蘇州以江南浮粧太重有旨詢戶

部元文考宋元以來舊額官田民田始末及前明歷代詔書以聞元文在內閣上復諭及之元文頓首曰聖明及此三吳之福也因下九卿議有力尼之者事遂寢元文兄乾學豪放頗招權利坐論罷而元文謹禮法門庭肅然二十九年兩江總督傅拉塔劾乾學子姪交結巡撫洪之傑招權競利詞連元文上置不問予元文休致回籍舟過臨清關吏大索僅圖書數千卷光祿饋金三百而已家居一年卒乾學自有傳弟秉義字彥和舉康熙十二年進士第三授編修遷右中允乞假歸乾學卒召補原官累遷吏部侍郎命偕刑部侍郎綏色克如陝西鹹糧鹽道黃明受賄擬罪失當左遷詹事擢內閣學士乞歸上南巡賜御書恭謹老成榜額五十年卒

論曰康熙初葉主少國疑滿漢未協四輔臣之專恣三藩之變亂臺灣海寇之逃盜措置偶乖皆足以動搖國本爵廷銓立德溥當多事之日百計匡襄熙預顧命參軍謀正治等入閣值事定後從容密勿隨事納忠伊桑阿阿蘭泰推誠布公受知尤深康熙之政視成宣文景駕而上之諸臣與有功焉

清史稿

圖海

李之芳

列傳三十八

圖海字麟洲馬佳氏滿洲正黃旗人父穆哈達世居綏芬圖海自筆帖式歷國史院侍讀世祖嘗幸南苑負寶從顧其舉止以爲非常人擢內秘書院學士授拜他喇布勒哈番遷宏文院大學士議政大臣順治十二年加太子太保攝刑部尙書事與大學士巴哈納等同訂律例侍衛阿拉邢與公額爾克戴青兩家奴鬪於市轅失實坐欺罔免死刑削職世祖崩遺命起用聖祖即位授正黃旗滿洲都統李自成餘衆郝搖旗劉體純李來亨噦衆邯鄲間康熙二年命圖海爲定西將軍副靖西將軍都統穆里瑪將禁旅會湖廣四川諸軍討之屢破賊未幾郝搖旗爲副都統杜敏所擒劉體純亦破滅惟李來亨據茅麓山恃險負固圖海圍之絕其外援來亨窮蹙自焚死其下以衆降執斬明新樂王及所署置官屬僉三千餘以還六年復爲宏文院大學士進一等阿達哈哈番頃之以兼都統乞解機務不許九年改中和殿大學士兼禮部尙書十二年平南王尙可

喜請老七月吳三桂繼之質探朝旨廷議移藩狀莫洛米思翰明珠等皆主如所請惟圖海持不可上意決遂黜圖海議三桂既反命攝戶部理餉運十四年察哈爾布爾尼刦其父阿布柰以叛命信郡王鄂札爲撫遠大將軍圖海副之討布爾尼時禁旅多調發圖海請籍八旗家奴驍健者率以行在路騷掠一不問至下令曰察哈爾元裔多珍寶破之富且倍於是士卒奮勇無不一當百戰於達祿布爾尼設伏山谷別以三千人來拒既戰伏發土默特兵挫圖海分兵迎擊敵以四百騎繼進力戰獲其衆布爾尼乃悉衆出用火攻圖海令嚴陣待連擊大破之招撫人戶一千三百餘布爾尼以三十騎遁科爾沁額駙沙津追斬之察哈爾平師還聖祖御南苑大紅門行郊勞禮叙功進一等阿思哈尼哈番陝西提督王輔臣以平涼叛應三桂定西大將軍貝勒董額督諸軍攻之久未下三桂遣王屏藩吳之茂等犯秦隴欲與平涼合十五年以圖海爲撫遠大將軍八旗每佐領出護軍二名率以往臨發上御太和殿賜敕印命諸軍咸聽節制既至明賞罰申約束諸將請乘勢攻城圖海宣言曰仁義之師先招撫後

攻伐今奉天威討叛豎無虛不克順城中生靈數十萬覆巢之下殺戮必多當
體聖主好生之德俟其向化城中聞者莫不感泣思自拔五月奪虎山墩虎山
墩者在平涼城北高數十仞賊守以精兵通餉道圖海曰此平涼咽喉也率兵
仰攻賊萬餘列火器以拒師圖海令兵更迭進自己至午戰益力遂奪而據之
發大礮攻城城人洶懼圖海用幕客周昌策招輔臣降昌字培公荆門諸生好
奇計佐振武將軍吳丹有勞以七品官錄用圖海次潼關以策干之客諸幕輔
臣所署置總兵黃九疇布政使裴榮遇皆昌鄉人屢勸輔臣反正以蠍丸告昌
昌白圖海圖海卽令昌入城諭降輔臣遣其將從昌出謁圖海聞上上許之乃
假昌參議道賚詔往撫輔臣使榮遇上軍民冊子繼貞繳三桂所授敕印顧猶
觀望復命昌偕兄子保定諭之乃薙髮降因令吳丹入城撫定吳之茂聞平涼
下自秦州遁遣將軍佛尼勒敗之於牡丹園又敗之於西和縣北山將軍穆占
進攻王屏藩於樂門敗賊於紅厓復禮縣輔臣所署置巡撫陳彭總兵周養民
王好問等相繼降秦地略定敘功進三等公世襲圖海疏請遣兵赴湖廣會征

三桂上命圖海親率精銳以行圖海疏陳陝西初定反側未安狀乃授穆占征南將軍率滿洲兵及平涼降卒往圖海仍留鎮時平涼慶陽雖下漢中興安猶爲賊據圖海奏調綠旗兵期明年正月檄提督孫思克赴秦州趙良棟赴鳳翔與張勇王進寶會師進取勇等謂須俟夏秋上慮克漢中興安轉餽難令守諸要隘分兵赴荊州攻三桂十六年圖海招撫韓城等縣僞官又遣兵逼禮縣益門先後敗賊五盤山喬家山塘坊廟芭蕉園沙窩諸處復塔什堡十七年復疏請分兵下漢中興安上密諭止之將軍佛尼勒等又敗賊牛頭山香泉四川總督周有德亦敗賊秦嶺復潼關堡五塞慶陽賊袁本秀受三桂劄謀亂圖海發慶陽宜君延安三營兵會王進寶討平之斬本秀衛遠溝頭之入覲十八年還鎮湖南廣西平上命亟攻寶雞規取漢中興安定四川圖海乃厲師攻益門鎮破之會賊毀偏橋兵不得進狀聞詔嚴責乃決策期分四路圖海親率將軍佛尼勒等趨興安總兵官程福亮爲後援屯舊縣關將軍畢力克圖提督孫思克等自略陽進總兵官朱衣客爲後援駐西河將軍王進寶總兵官費雅達自棧

道進總兵官高孟爲後援駐寶雞提督趙良棟自徽縣進十月師次鎮安分兵
爲二隊進敗三桂將王遇隆渡乾玉河奪梁河關三桂將韓晉卿遁進寶亦復
漢中良棟復徽縣略陽畢力克圖復成縣又復階州遣參將康調元復文縣於
是平利紫陽石泉漢陰洵陽白河竹山竹溪上津諸縣皆下興安既克圖海統
大軍之牛屯鳳翔尋移漢中護諸軍餉會降將譚洪復叛陝西總督哈占沂江
討之詔圖海遂爲督援二十年以疾徵還卒諡文襄太宗實錄成贈少保兼太子
太傅雍正初追贈一等忠達公配享太廟子諾敏襲爵歷刑禮二部尙書蒙
古正黃旗都統諾敏子馬爾賽自有傳周昌初入城自陳父明季死流寇母孫
劍目破面觸棺死願捐軀表母烈及輔臣降圖海以聞上命旌其母遺官致祭
授昌布政使參政昌復參蔡毓榮軍事事平授山東登萊道攝布政使以與總
兵互許罷昌旣罷猶喜言兵噶爾丹擾邊數上書當事陳利害後卒於家

李之芳字鄰園山東武定人順治四年進士授金華府推官卓異擢刑部主事
累遷郎中授廣西道御史疏請革錢糧陋規禁州縣官迎送十七年巡按山西

聖祖卽位裁巡按召回康熙元年乞假歸二年復授湖廣道御史五年巡視浙江鹽政入掌河南道事大學士班布爾善坐鰲拜黨誅之芳疏言昔大學士俱內直諸司章奏即日票擬自鰲拜輔政大學士皆不入直疏奏俱至次日看詳請復舊制杜任意更改之弊又疏言世祖時賞罰出至公督撫不敢恣睢無忌十八年以後督撫率多貪緣而得有恃無恐勸索屬員擾害百姓夫直省億萬之衆皆世祖留遺之羣黎我皇上愛養之赤子何堪此輩脥削自與受同罪之法嚴與者不承則言者卽涉虛非特不敢糾督撫且不敢糾司道守令有貪之利無貪之害又何憚而不怙惡自恣今皇上親政乞裁罷黜溺職督撫以肅吏治疏下部尋甄別各省督撫黜其尤者數人進秩視四品擢左副都御史之芳數上封事請嚴巡鹽考績慎外官罰俸皆關治體遷吏部侍郎十二年以兵部侍郎總督浙江軍務會吳三桂反十三年奏請復標兵原額督習槍礮疏甫上耿精忠亦叛遣其將曾養性白顯忠馬九玉數道閩浙浙大震之芳檄諸將扼仙霞關調總兵李榮率副將王廷梅牟大寅陳世凱鮑虎等分道禦寇時上

命都統賴塔率師入浙五月偕賴塔率滿洲兵一千綠旗兵二千鄉勇五百進駐衢州衆皆謂會城重地不宜輕委之芳曰不然衢踞上游無衝是無浙也今日之事義無反顧顯忠自常山陷開化壽昌湧安婺性自處州犯義烏浦江東陽湯溪沿河阻餉道溫州鎮總兵祖宏助叛召寇陷平陽再進陷黃巖集悍卒數萬窺衢州七月之芳與賴塔閱兵水亭門率總兵官李榮副都統瑚圖等薄賊壘軍坑西之芳手執刀督陣或請少避之芳曰三軍司命在吾退卽爲賊乘今日勝敗卽吾死生矣守備程龍怯戰斬以徇麾衆越壕拔柵敗之遣陳世凱乘勝復義烏湯溪鮑虎復壽昌淳安牟大寅破常山王廷梅敗賊於金華石梁大溝源李榮亦復東陽復敗賊於金華壽溪馘賊將毀寨十八參將洪起元復嵊縣詔嘉之芳調度有方十月賊將桑明等五萬衆由常山逼衢州西溝溪倚山爲營覩聯南路賊巢之芳與賴塔議出不意遣廷梅與參領禪布夜趨溝溪分隊進攻又大破之賊棄營遁十四年康親王傑書破會婺性金華復處州貝子傅拉塔亦復黃巖進圍溫州惟九玉踞江山常山開化連寨數十與之芳相持

五月乘大雨河溢由南塘擣賊前嶺陣斬七百餘級十五年遣將自遂安連破
賊寨遂復開化會鄭錦入漳泉耿繼祚方攻建昌潰營遁上知閩中有變命王
撤溫州之圍取福建之芳乃建議直擣仙霞關曰進取之路不在溫處而在衢
雖九玉死守河西難猝破然其南江山西則常山皆間道可襲我兵一進使彼
首尾受敵卽河西之望不能獨完王至衢州從之芳議遂進兵大溪灘復江山
九玉走欲別取道奪仙霞諸將受之芳密檄急據關夾擊其將金應虎等窮蹙
降王師下福建臨行之芳啓曰王但飭諸軍勿虜掠卽長驅入兵可不血刃也
未幾精忠降溫處賊皆潰散精忠所署置總兵馬鷗汪文生陳山將軍程鳳等
猶踞玉山鉛山弋陽德興之芳請會剿時吳三桂兵寇吉安袁州江西兵不能
東乃獨遣兵復玉山文生遁自白沙關趨德興擒鵬遺游擊郭守金等復鉛山
興安弋陽貴溪諸縣上嘉之芳勦賊隣省有功加兵部尙書銜十六年遣參將
蔣懋勤等敗賊玉山椒巖山降先是文生鳳皆乞降而鳳病死其妻王玉貞籍
所屬六萬八千餘人就撫而精忠將林爾瞻猶擁衆石城之芳令懋勤等扼要

賊自以數十騎入寨往撫慰之爾瞻乃降十七年擊賊于午口克八仙老鼠諸洞賊寨悉平鄭錦寇瀕海遣將嚴守禦敗之於廟嶺湖又敗之於溫州錦將詹天樞詣世凱降十八年檄定海總兵車大寅斬錦將童耀等孝順洋奪獲船隻器械以還之芳練世故沈幾善謀康親王師將行問之芳所策固萬全乎之芳曰軍已發猶豫則士氣沮乃詣王曰虜在吾目中久明日捷書至矣前軍捷書果至傑書大喜以爲神在杭州與將軍圖喇約爲兄弟精忠既叛語圖喇勿縱兵暴民有滿兵犯法之芳縛詣圖喇以軍法治之一軍肅然浙亂平疏請蠲被兵州縣額賦安輯流亡甚有威惠所拔偏裨皆累功至方鎮而之芳以督臣不敘久之追論大溪灘破賊功授拖沙喇哈番准襲一次入爲兵部尙書調吏部二十六年授文華殿大學士二十七年御史郭琇疏劾大學士明珠謂內閣票擬皆總明珠指揮上旣罷明珠並命之芳休致三十三年卒於家謚文襄之芳旣卒聖祖思其功嘗諭羣臣曰人能效命卽爲勇士耿精忠叛時之芳爲總督雖不諳騎射執刀立船首率衆突前破敵彼時同出征者還京皆稱其勇今承

平久善射能約束士卒尚不乏人若屢經戰陳者甚難得也世宗命立賢良祠

諭曰德若湯斌功若之芳者祀之乾隆間錄勳臣後命予恩騎尉世襲

論曰圖海始阻撤藩之議及其鷹揚西土綏靖秦隴卒收底川之績川軍入滇
遂竟全功之芳力扼三衢敵雖東略終不能得志仙霞下閩之功與有勞焉雖
曰遭時盤錯抑亦聖祖取材之効哉並踐綸輔易名曰襄嗚呼偉矣

清史稿

甘文焜

子曰

列傳三十九

范承謨

子曰

馬雄鎮

傅宏烈

甘文焜字炳如漢軍正藍旗人其先自豐城徙瀋陽父應魁從入關官至石匣副將文焜善騎射喜讀書尤慕古忠孝事以官學生授兵部筆帖式累遷禮部啟心郎屢奉使稱旨康熙初授大理寺少卿遷順天府尹崇文門榷稅不平疏劾之廷議令兼攝文焜曰言之而居之是利之也固辭六年授直隸巡撫奏復巡歷舊制單車按部適保定正定所屬諸縣患水災疏請蠲歲賦總督白秉貞以賑費浩繁請總官民輸銀米文焜斥廉俸以助讓敍加工部侍郎七年遷雲貴總督駐貴陽時吳三桂鎮雲南欲藉邊衅固兵權詭報土番康東入寇給文焜移師又陰嗾凱里諸苗乘其後文焜策康東無能爲凱里近肘腋不制將滋蔓先督兵搗其巢斬苗酋阿戎既平約雲南會剿康東三桂慮詐洩謂康東已遠遁繇是益憚之文焜巡歷雲貴各府州皆徧十年遭母憂上命在任守制

文焜又遣兵擊殺蠻剗苗曾阿福疏乞歸葬許給假治喪三桂請以雲南巡撫兼督篆令督標兵悉詣雲南受節度而以利啗之冀爲已用十二年文焜還本官適撤藩議起三桂反殺巡撫朱國治遣其黨偪貴陽文焜聞變使族弟文炳齎奏入告牒貴州提督李本深率兵扼盤江本深已懷貳先以書覩文焜意文焜手書報之期效張巡南奔雲晉死守而本深不之顧本標兵已受三桂餌紛潰弗聽調文焜度貴陽不可守令妾盛率婦女七人自經死獨携第四子國城赴鎮遠召湖北兵扼險隘使賊不北出十二月丙申朔癸卯至鎮遠守將江義已受僞命拒弗納文焜渡河至吉祥寺義遣兵圍之文焜望闕再拜拔佩刀將自殺國城大諱謂先死奪其刀以刎而還之戶迺踣血濺文焜衣文焜曰是兒勇過我遂自殺年四十有二從者筆帖式和善雅圖殉亂平貴州巡撫楊雍建以文焜治績及死事狀上聞予優卹遺其長子宣化同知國均迎喪還京師使內大臣佟國維迎奠蘆溝橋贈兵部尙書謚忠果建祠貴陽上賜勁節二字頽其額子七國璧尤知名國璧字東屏以任子授陝州知州改蘇州同知擢山

西平陽浙江寧波知府名循吏聖祖南巡幸杭州御書朱子詩及永貞額以賜諭曰汝父盡節朕未嘗忘此爲汝母書也累遷雲南巡撫坐事罷雍正間起爲正黃旗漢軍都統乾隆三年授綏遠城右翼副都統復罷十二年卒

范承謨字觀公漢軍鑲黃旗人文程次子順治九年進士選庶吉士授弘文院編修累遷秘書院學士康熙七年授浙江巡撫時去開國未久民流亡未復業浙東寧波金華等六府荒田尤多總督趙廷臣請除賦額上命承謨履勘承謨徧歷諸府請免荒田及水衝田地賦凡三十一萬五千五百餘畝杭州嘉興湖州紹興四府被水民飢承謨出布政使庫銀八萬緡米湖廣平糴最貧者得附老弱例肩鹽給朝夕全活甚衆並疏請漕米改折石銀一兩明年麥熟補徵白糧以三年帶徵災重者如例蠲免得旨允行十年以疾請解職召還總督劉兆麒提督塞白理疏言浙民請留承謨一百五十餘牒給事中姜希轍柯聰御史何元英等亦言承謨受事三載愛民如子不通請謁饋遺勅罷貪墨廉治巨猾剔除加耗陋規私派諸弊浙民愛戴深於飢渴上命承謨留任十一年承謨復

疏言湖嘉兩府白糧加耗多寡不一請每石加四斗五升爲限又奏蠲溫台二
衛康熙九年以前逋賦及石門平陽未完輕齋月糧皆下戶部議行十月擢福
建總督疏辭未允請入覲十二年七月至京師入對承謨疾未愈命御醫診視
賜藥餌疾稍差趣赴官賜冠服鞍馬福建總督初駐漳州至是以將撤藩命移
駐福州吳三桂反承謨察精忠有異志時方議裁兵承謨疏請緩行又報巡歷
邊海欲置身外郡便徵調防禦事未行而精忠叛陽言海寇至約承謨計事巡
撫劉秉政附精忠趣同行承謨知有變左右請擐甲從承謨曰衆寡不敵備無
益也遂往精忠之徒露刃相脅承謨挺身前罵不絕口精忠拘之土室加以桎
梏絕粒十日不得死精忠遣秉政說降承謨奮足蹴之仆叱左右掖之出曰賊
就僇當不遠我先褫其魄爲賊困踰二年日冠賜冠衣辭母時衣遇朔望奉時
憲書一帙懸之北嚮再拜所居室迫隘號曰蒙谷爲詩文以梓炭畫壁上時有
部曲張福建者手刃奪門入連斬數賊力竭死蒙古人嘛尼爲僞散騎郎精忠
遺守承謨感承謨忠義謀令出走事泄精忠將磔之大言曰吾甯與忠臣同死

不願與逆賊同生十五年師克仙僕關精忠將降冀飾詞免死懇承謨纂其罪
九月己酉朔甲子夜半精忠遣黨偪承謨就縊幕客嵇永仁王詔光沈天成從
弟承普下至隸卒同死者五十三人語互詳忠義傳舊役王道隆奉遺他出還
至延平聞變自刎死賊焚承謨尸棄之野泰甯騎兵許鼎夜負遺骸藏之十六
年喪還京師上遣內大臣侍衛迎奠贈兵部尙書太子少保諡忠貞御書碑文
賜其家十九年精忠伏誅赴市曹日承謨子時崇憐其肉祭墓福建民請建祠
祀之御書忠貞炳日扁於楣承謨所爲費壁集上親製序時崇字自牧以難廢
出知遼陽州遷直隸順德知府有惠政累遷福建按察使陞辭日上顧謂羣臣
曰此開國名臣孫殉難忠臣子也四十七年擢廣東巡撫兼鹽政越二年擢福
建浙江總督五十四年入爲左都御史明年授兵部尙書命出塞築莫岱察罕
度爾鄂爾齊果圖臺站凡四十有七所又明年還朝尋卒閩人思其德附祀承
謨祠

馬雄鎮字錫蕃漢軍鑲紅旗人鳴佩予以蔭補工部副理事官歷遷左僉都御

史國史院學士康熙八年授山西巡撫未上改廣西時羣盜起構豬羶掠梧州平樂二府不數月討平之累疏請平嶺價建學宮定有司邊俸省軍糧餉費並罷諸採買累民者皆得旨允行十二年吳三桂反十三年孫延齡以廣西叛應之圍雄鎮解脅降時巡撫無標兵雄鎮督家人拒守密令守備易友亮赴柳州提督馬雄來援弗應雄鎮自經爲家人救免以蠟丸馳疏請兵延齡調知之幽雄鎮置家人別室三桂使招降雄鎮不爲屈會傅宏烈勸延齡反正延齡躊躇未決雄鎮得以間遣長子世濟齋疏旨京師友亮導之出客楊啟祥護行至贛州江西巡撫董衛國以聞上遣使護入京至授世濟四品京卿居數月雄鎮又具疏陳粵西可復狀付長孫國楨俾與客朱昉鑒垣出既又遣州人唐守道唐正發潛負次子世永出次第詣京師又爲延齡知繫其孥於獄雄鎮憤自剄復爲賊所奪幽之別室十六年十月三桂遣其從孫世琮殺延齡擁雄鎮至賊壘迫使降雄鎮大呼曰吾義守封疆不能寸斬汝以報國死吾分也賊戕其幼子世洪世泰怵之罵益厲賊殺之時年四十有四從者馬雲舉唐進寶諸光

元等九人同時死。妻李妾顧劉女二人世濟妻董妾苗並殉。語互詳列女傳。雄
鎮尸暴四十餘日。友亮收其骸骨。葬焉。雄鎮被縗三年。日著書賦詩。既死。客
孫成陳文煥乘間脫走。抵蒼梧。以所著擊笏樓遺稿及彙草。辨疑歸。世濟十七
年宏烈以雄鎮死狀入告。命議卹擢世濟大理寺少卿。成以舉人授同知文煥
授知縣。旋又授友亮守道。正發啟祥游擊守備。有差十八年。世濟如廣西迎雄
鎮喪至京。師贈太子太傅。兵部尙書。謚文毅。三桂既平。歲正上宴羣臣。特命世
濟及陳啟泰子汝器至御座前賜酒。世濟官至漕運總督。世永歷運使。國楨官
江南常鎮道。督餉入藏。卒於軍。

傅宏烈字仲謀。江西進賢人。明末流寓廣西。順治時以總督王國光薦授韶州
同知。遷甘肅慶陽知府。吳三桂蓄逆謀。久康熙七年。宏烈密以告。逮治坐誣論
斬。九年上特命減死。戍梧州。及三桂反。將軍孫延齡提督馬雄以廣西叛應之。
宏烈欲集兵圖復。復陽受三桂僞職。入思州。泗城。廣南。富川諸土司。歷交趾界。
募義軍得五千人。遂移檄討賊。從尙可喜軍規肇慶。三桂甚懼之。使馬雄如柳

州害其家百口宏烈說延齡反正鎮南將軍覺羅舒恕軍贛州宏烈密致書言
延齡妻孔四貞定南王有德女未忘國恩延齡可招撫又致書奉詔招撫督捕
理事官麻勒吉言王師速進南安宏烈自韶州策應則兩粵可定舒恕麻勒吉
先後以聞上嘉其忠誠授廣西巡撫征蠻滅寇將軍俾增募義兵便宜行事宏
烈克梧州下昭平賀鬱林博白北流陸川興業諸州縣進復潯州遣平樂知府
劉曉齋疏上方略論功加太子少保並加曉參議道當是時馬雄據柳州三桂
諸將分據平樂南甯橫州勢洶洶宏烈雖屢捷惟新軍缺礮馬假於尙之信弗
應吳世琮既殺延齡陷平樂襲宏烈擊敗之十七年與將軍莽依圖
圍平樂戰失利宏烈與互訐詔謂宏烈兵未支俸餉奮勇收復諸路莽依圖自
平樂退賀縣又言糧乏再退梧州使宏烈所復郡縣盡棄於賊因飭莽依圖自
効宏烈督兵進賊數萬渡左江宏烈戰敗賊陷藤縣逼梧州十八年之信軍至
烈密疏言延齡舊部宜善爲解散又言之信怙惡反覆當早爲之所馬雄死于

承廢仍附三桂受僞封懷甯公訖言乞款附宏烈許之爲疏聞詔授承廢昭義將軍統其衆宏烈規取雲貴十九年二月次柳州承廢期宏烈會議宏烈至承廢以其衆叛襲破其營執送貴陽世璠誘以僞職宏烈曰爾祖未反時吾已劾奏料汝家必爲叛逆汝敢以此言汚我邪世璠百計說之罵益厲十月辛丑遇害十一月征南將軍穆占復貴陽收遺骸以死狀聞贈太子太師兵部尙書諡忠毅二十二年允廣西巡撫郝洛請建雙忠祠於桂林祀宏烈及馬雄鎮

論曰方諸藩盛強朝廷所置督撫勢不足以相抗文焜雖與三桂分疆而治所部貳於三桂久矣若承謨之於精忠雄鎮之於延齡皆同城逼處惟以身殉無他術也宏烈異軍特起又與莽依圖相失勢孤遂困於承廢要其忠義激烈作士氣憤憤心皆不爲徒死者嗚呼烈已

清史稿

列傳四十

莫洛

陳福

王之鼎

李興元

陳啓泰

陳丹赤

葉映樞

莫洛伊爾根覺羅氏滿洲正紅旗人世居呼納赫魯祖溫察太祖時來歸莫洛初授刑部理事官累遷工部郎中康熙六年擢左副都御史七年出爲山西陝西總督陝西饑平涼臨洮鞏昌西安延安鳳翔漢中興安諸府州多逋賦有司令見戶均輸民苦之奏請蠲免送疏清釐加派火耗諸弊八年輔政大臣懿拜獲讞法司以莫洛附懿拜請逮問詔以能任事貸勿治仍留任九年計典仍以前罪奪職陝西民願留甘肅巡撫劉斗同提督張勇柏永馥等疏言莫洛清正在官有善政乞留以慰民望上諭曰簡用督撫原以綏輯地方愛養百姓莫洛既能得民其免處分供職如故俄擢刑部尙書十三年吳三桂等奏請撤藩上

敕廷臣議皆主勿徒惟莫洛與米思翰明珠議撤三桂反四川提督鄭蛟麟等
叛應之二月命莫洛經略陝西拜武英殿大學士仍筦兵部賜以敕印既至策
遣諸軍征四川時蛟麟兵據廣元百丈關莫洛遣都統馬一寶將軍席卜臣赴
漢中副都統科爾寬赴廣元擊賊十月蛟麟將何德成犯寄羌爲官軍所敗還
奔四川莫洛因遣提督王輔臣駐其地逾月蛟麟將彭時亨復據七盤百丈諸
關劫略陽糧艘截陸禪棧道廣元軍缺餵兩月矣總兵王懷忠所部潰散而輔
臣亦陰懷異志輔臣故與莫洛有郤奉檄使隨征益快快藉口戎備寡莫洛益
以騎兵二千少之又以馬疲瘠不任用搖軍心軍無鬪志十二月莫洛至寧羌
兩營相去二里許先是上命莫洛統綠營步旅下四川嗣慮巴蜀道險令貝子
洞鄂率滿洲騎兵兼程繼進軍未至是月庚寅朔癸巳輔臣燭所部噪餵襲刦
莫洛莫洛督兵擊郤之甫定輔臣復率悍黨至敵矢雨坌莫洛被創卒於軍
艤久未行二十二年命予祭葬諡忠愍授世職拜他喇布勒哈番兼拖沙喇哈

陳福字箕演陝西榆林人國初師定陝西福以武舉廩募從寧夏總兵劉芳名
剿寇敍功授守備又從都統李國翰下四川邊遵義游擊康熙初從總督李國
英討李自成遺黨郝搖旗李來亨等敍功加右都督銜擢成都副將遷重慶總
兵十二年入覲授寧夏總兵吳三桂反鄭駁麟以四川叛應之遣使誘福福家
留重慶弟奇官守備妻子亦在賊中賊以是刦福福執其使具疏入告遣其弟
諸生壽齋詣京師上嘉福忠授拜他喇布勒哈番並官壽主事輔臣據平涼福
上戰守方略十四年擢陝西提督進三等阿思哈尼哈番又官奇參將進規花
馬池惠安安定定邊諸城堡以次皆下上擢壽鴻臚寺少卿福卒副將泰必圖
乘勝薄固原圍之匝月輔臣遣其將來援城賊亦突出泰必圖戰死福引兵還
靈州斬逃將賈從哲張元經以徇上命福佐貝勒洞鄂攻平涼福疏言固原有
賊萬餘若我兵徑趨平陽慮賊斷我餉道當先取固原上聽之十二月福督兵
取固原天寒大雪士卒苦遠役且懲前敗有戒心是月甲寅朔乙亥師次惠安
下令五鼓會食集城下後者斬夜半時參將熊虎等鼓譟入刺福死上以趙良

棟代收虎及首謀把總劉德及管兵戕福者悉誅之贈福三等公以三等精奇尼哈番世襲謚忠愍建祠寧夏擢奇天津總兵時福子世琳世勳並陷賊命以壽子世怡襲爵事定壽棄官入四川求福妻子得之遵義山中將入都上召世琳入見問母子流離狀深愍之命襲爵改籍寧夏旋授直隸三屯協副將累遷古北鎮總兵鑾儀使世琳子益益子大用相繼襲爵益官至楚姚總兵大用乾隆間官江南提督所屬游擊揚天相獲海盜總督蘇凌阿讞以爲誣誅天相大用亦被讞嘉慶初予守備銜休致

王之鼎字公定漢軍正紅旗人父世選仕明爲參將歸太宗授三等昂邦章京從世祖入關征江南有功進二等卒之鼎襲進一等精奇尼哈番署參領從貝勒屯齊征湖南擊走李定國孫可望授正紅旗漢軍副都統駐防貴州康熙元年授福建中路總兵討鄭錦克廈門金門古浪諸島三年敗錦將王盛林茂裴德等拔銅山衛進三等伯八年召還仍授本旗副都統十年授江南提督十二年授鎮海將軍駐守京口吳三桂耿精忠相繼反上命之鼎分兵防守安慶而以

安南將軍華善帥師佐之鼎調崇明沙船江陰瓜洲戰艦扼津要令綠旗水
師駐黃浦操防兼備水陸上命簡親王喇布爲揚威大將軍駐江甯之鼎贊軍
事十七年改福建水師提督加定海將軍閩寇日蹙而楚蜀間軍事方亟請移
鎮要地自效十八年調四川提督十九年到官會寇犯永甯遂率總兵李芳述
等討之戰屢勝六月勇略將軍趙良棟將進勦雲貴調芳述守敍州之鼎留鎮
永甯九月吳世璠遣將尤廷玉胡國柱攻永甯圍之數匝時城中糧盡已兩閱
月之鼎猶率兵挑戰士氣倍奮嗣爲賊調知築長圍以守至是月甲子寇穴城
入總兵費雅達副將楊三虎游擊周尙功守備李逢春魯明芝席豹督兵巷戰
皆死之鼎解印付家人令問道走成都率總兵楊魁何成德王永世傅汝友游
擊陳先鳳陳田劉應科等出禦賊身受重創賊涌至之鼎自度不能免拔劍自
刎未殊與魁等俱被執傳送貴陽賊黨夏國相等百計誘降之鼎厲聲叱曰死
則死耳肯向鼠輩乞活耶久之賊知不可奪遂遇害魁等皆不屈死事聞贈之
贈太子少保諡忠毅子毓賢官至貴州布政使毓秀襲爵費雅達漢軍正白旗

人自整儀尉累遷潼關副將王輔臣叛廷議設漢中總兵討賊以授費雅達署都督僉事進取漢中破賊彝門鎮抵秦嶺拔北木城與王進寶會師奪武關敘功加都督同知永甯之役城陷身死贈左都督太子少傅謚忠勇魁等皆予卹從三虎等戰死者又有千總蔣得福趙鳴鳳王英傑從之鼎死者又有從軍廢生潘濟世並卹如例

李興元字若始漢軍鎮黃旗人以拔貢授直隸沙河知縣報最遷祁州歷江西吉安直隸永平知府晉陝西隴右道康熙十一年授雲南按察使其明年詔敕有司審理平西藩下逃兵時平西助莊碁布筦莊者殺人奪貨滋爲民患訟牒命盜兩案兵居半又勒平民爲餘丁不從則曰是我逃兵也稱貸重息人或絲毫負亦以逃兵誣之有司亡誰何興元素持風力諗知劉崑強項令爲審事官有犯者論如法部民德之而大忤三桂意三桂將叛使治者鑄印崑詞知白興元興元啟巡撫朱國治趣入告國治迎數日始發爲三桂邏卒所得遂作亂召各官集議以國治苛虐失民心殺之迫授興元僞職興元叱之曰汝內爲國戚

外封親王受恩重矣何叛爲我爲丈夫義可殺不可辱惟一死以報朝廷三桂怒杖而下之獄雲南知府高顯辰及崑皆不屈旋以興元及崑戍騰越衛十八年師克湖南時三桂已死其子世璠使刺殺興元師困演城興元二子廢秀奇秀亦被殺事定其三子萃秀詣軍所申訴巡撫王繼文上其狀贈太常寺卿萃秀官至安陸府知府崑當興元未死出避民間事定復補登州同知遷常德知府

陳啟泰字大來漢軍鑲紅旗人順治四年自貢生知直隸滑縣有聲行取擢御史奏言滿洲部院官凡遇親喪宜離任守制以廣孝治從之十一年出爲蘇松糧道康熙三年調福建漳南道八年轉巡海道時山寇徧受耿精忠劄勢洶洶啟泰嚴保甲立團長親督所司捕賊有干禁令者輒痛繩以法奸宄屏息十三年精忠叛僞檄至漳州啓泰密與海澄公黃梧議拒守會梧病精忠復招鄭錦爲助啟泰自度不能守語妻劉曰義不偷生忠不附賊死吾事也然死而妻子爲僇吾何以瞑劉請殉家人皆願從死乃以巨盃置酒下藥劉及侍妾婢僕飲

者二十一人幼子方六歲持觴拜而飲歟泰朝服坐堂皇召僚屬與訣引弓絃自絞死僚屬爲殮錦兵入見置棺縱橫皆垂淚事聞贈通政使賜葬祭歟泰子汝器聞變赴漳州迎喪爲鄭錦兵掠去逾二年乃脫還詣京師上念其父子忠義加增工部侍郎授汝器右通政三十三年復子歟泰謚忠毅建祠福州御書忠義流芳爲祠額汝器官至安徽巡撫方精忠叛時諸郡望風納叛所不肯以城降者啓泰死漳州總兵吳萬福死福客萬福漢軍鎮紅旗人初仕明爲守備崇德七年師圍松山從副將夏承德來歸授牛彙額貢入關從征李自成有功累敘二等阿達哈哈番出爲福甯總兵張煌言兵屢入與總兵李長榮分路擊卻之累進右都督精忠叛萬福嬰城固守城破死之閩家被害幕客孫璣百總潘騰鳳並殉事聞贈萬福左都督太子少保諡忠愍

陳丹赤字獻之福建侯官人順治十七年舉人選授重慶推官攝府事兼署夔州府時張獻忠初滅蜀東尚淪於賊征師四集丹赤給饑不乏墾荒萊緩刑禁報最遷刑部主事再晉兵部郎中出爲浙江按察司僉事分巡溫處道署按察

使康熙十三年入覲道山東會吳三桂反詔入覲官悉還治所丹赤歸至東昌聞耿精忠亦叛亟問道還適平陽叛將司定猷構精忠兵逼瑞安丹赤獨居城上泣諭父老誓與城存亡海寇朱飛熊乘間肆掠鄉民爭入城總兵祖宏勳欲不納丹赤曰城以人爲固人以食爲命民輦粟入城民卽兵食卽餉亟宜納之與共守於是來者數萬寇涌至攻南門甚亟副將楊春芳忽撤兵去人心洶懼丹赤日馳牒乞援晨夜微循以忠義厲士卒皆感泣願死守宏勳將以溫州叛陽遣游擊馬文始助守質以訶丹赤丹赤誓以身殉六月甲午朔宏勳陳甲仗華蓋山集文武官計事欲以脅丹赤千總姚紹英知其謀勸勿往丹赤不顧策馬去至則兵落刃夾階立坐定宏勳曰彼衆我寡將若何丹赤曰提標前鋒五千人已集且民心效死戰卽不足守自有餘吾此來商以舟濟師顧迺計多寡邪宏勳曰舟安在丹赤語通判白龍宸曰河干泊舟不少皆鄉民所棄以濟援師何患無舟宏勳語塞春芳厲聲言曰城中糧盡縱有兵有舟誰爲我用丹赤曰若言誤矣吾軍糧餉足供六閱月且遠近鄉民輸粟入若迺爲此言惑軍心

邪有自懷中出帛書者精忠招宏勳獻城檄也丹赤怒碎而擲之地曰此豈可
汙吾目吾頭可斷城不可得也宏勳執其手好語慰之丹赤曰封疆之臣死封
疆不知其他宏勳知不可奪目千總高魁持斧擁丹赤出罵益厲執斧者斷其
臂大呼曰臣事畢矣兵刃交下遂遇害十六年浙江巡撫陳秉直疏請卹贈通
政使諡忠毅三十八年上南巡丹赤子一璽時爲湖州知府迎謁上書額賜之
馬璣字奉璋陝西武功人順治十一年舉人授山東昌樂知縣有惠政康熙十
三年補永嘉明決有才清覈圖籍不數月而政成華蓋山集議宏勳狀丹赤璣
躍而起曰國家多若輩反黨賊殺封疆大吏吾恥與若輩俱生遂罵不絕口同
時遇害事聞贈布政司參政三十五年敕建祠溫州祀丹赤及璣亦曰雙忠四
十二年上南巡璣子逸姿官江南布政司參議督糧道迎謁疏引丹赤例求賜
謚上允之諡忠勤亦賜御書額如一夔丹赤役林莊僕張亦寶璣從子穎姿皆
從死

葉映榴字炳直江南上海人順治十八年進士選庶吉士時方嚴治江南逋賦

士紳映榴在籍中降國子監博士累遷禮部郎中出榷贛閩會吳三桂叛贛南
北路絕映榴與同官守險要撫流民境獲甯提學陝西巡撫鄂愷薦其才康熙
二十四年授湖廣糧儲道清積逋減耗羨事有不便於民者輒與大吏力爭二
十七年五月廷議省湖廣總督並裁督標兵楚兵素剽悍有夏逢龍者尤桀黠
能以小信義結其伍隱附之檄既下裁兵洶洶亡所歸總督徐國相還朝已登
舟衆圍訴索餉不得遂大譁時巡撫柯永昇初上官映榴攝布政使橪三日事
急映榴白永昇請予兩月糧遣散不許衆入巡撫署露刃諱譟映榴復白永昇
請好言慰遣之永昇出衆語不遜永昇曰若輩欲反邪衆曰反也奈何刃傷永
昇臂奪其印復刃傷足仆遂擁映榴至閱馬場永昇得間自經死逢龍自號總
統兵馬大元帥輒以白迫使以下官受僞職映榴給以無殺掠三日後徐
議之乃令其妻陳奉母吳自水溝出解印付其僕迺手具遺疏是月丁酉朝服
升公座罵賊拔佩刀自刎死疏略曰臣一介豎儒叨沐皇上高厚深恩歷擢今
職嘗以潔己奉公自矢夙夜但媿才具庸劣未効寸長茲值裁兵夏逢龍倡亂

叛奪撫臣敕印分兵圍臣衙門露刃逼脅臣幼讀詩書粗知節義雖斧鑽在前豈肯喪恥偷生臣母年七十有六在臣任所臣長子粵遠在原籍其餘二子尙未成童焚焚孤嫠死將安歸因遺妻女奉母潛逃臣如微服匿影或可倖免以圖後効伏念臣守土之官也城存與存城亡與亡義所當然今勉盡一死以報國恩所恨事起倉猝既不能先事綢繆默消反側復不能臨期捍禦獨守孤城上辜三十載之皇恩下棄七旬餘之老母君親兩負死有餘慙上覽疏深愍傷之召廷臣展讀聞者皆感泣下部議卹部議援陳丹赤例贈通政使特旨贈工部侍郎次年上南巡謁迎謝手書忠節二字賜之遂以爲謚立祠武昌書丹心炳冊扁以賜雍正八年錄忠臣後授其子粵鳳陽知府芳蔚州知州尋改員外郎孫鳳毛內閣中書與映榴同時死者都司宣德仁贈副將

論曰功令寢死事倉卒遇變與艱難効死者同所以獎忠義也莫洛與福先事宜知有變帥行有進無退雖死不撓之鼎効忠於孤城興元抗節於大怒若啓泰丹赤映榴皆能死其官者啓泰以其家殉與馬雄鎮比烈映榴遺疏款款則

又范承勳蒙谷自序之亞也